

寧國府志卷二十四

藝文志

詩上

六朝

送別王宣城

鮑照

發郢流楚思涉淇與衛情既逢青春獻復值白蘋生廣望周  
千里江郊藹微明舉爵自憫張歌管為誰清橫陰騰前藻淮  
陽流昔登樹道慕  
高華屬路佇深得

之宣城郡出新林浦向板橋

謝朓

江路西南永歸流東北驚天際識歸舟雲中辨江樹旅思倦  
搖搖孤遊昔已屢既歡懷祿情復協滄洲趣囂塵自茲隔賞  
心於此遇雖無元  
豹姿終隱南山霧

寧國府志

卷二十四

藝文志 詩上

至宣城郡

下帷闕章句高談愧名理疎散謝公卿蕭條依掾史曾髮逢  
嘉惠教義承君子心迹苦未并憂歡將十祀幸沾雲雨慶方  
轡參多士振鷺徒追飛群龍難隸齒烹鮮止貪競共洽厲康  
耻伊余昧損益何用祖千里解劍北宮朝息駕南川溪寧希  
廣平詠聊慕華陰市棄置宛洛遊多謝金門裏招  
招漾輕楫行行趣巖趾江海雖未從山林於此始

郡內登望

借問下車日匪直望舒圓寒城一以眺平楚正蒼然山積陵  
陽阻溪流春穀泉威紆距遙甸巉巖帶遠天切切陰風暮桑  
柘起寒煙悵望心已極恂悅魂屢遷結髮倦為旅平生早  
事邊誰規鼎食盛寧要狐白鮮方棄汝南諾言稅遼東田

高齋視事

餘雪映青山寒霧開白日暖曖江村見離離海樹出披衣就  
清盥憑軒方秉筆列俎歸單味連駕止容膝空為大國憂紛  
詭諒非一安得掃  
蓬徑銷吾愁與疾

郡內高齋閒坐答呂法曹

結構何迢遞曠望極高深意中列遠岫庭際俯高林日出寒  
鳥散山曉孤猿吟已有池上酌復此風中琴  
為勞寸心惠而能好我問以堪  
華音若移金門步見就玉山岑

新治北窓和何從事

國小暇日多民淳紛務屏闕期清曠閑簾候風景泱泱日  
照溪團團雲去嶺岩巖蕙蘭標峻嶺開石路整池北樹如浮竹  
外山猶影自來彌弦望及君臨冀栢清文蔚且詠微言超已  
領不見城壕側思君朝文頃同舟方在辰何以慰延鱉

賦貧民田

假遇非將迎靖共延殊慶中哉慙三臺旬月典邦政會是共  
治情敢忘郵貧病將無富放禮孰有知方性敦本抑工商均  
業首兼并察壤見泉脉規星視農正黍稷緣高租稱稔即卑  
盛舊埒新塍分青苗白水映遙柳匝清陰連山周遠淨即此  
風雲佳孤鷗聊可命既微三載道度  
籍兩岐詠俾爾倉庫實余從谷口鄩

寧國府志

卷二十四

藝文志 詩上

忝役湘州與宣城吏民別

弱齡倦簪履薄晚忝華輿閒沃盡地區山泉諧所好幸遇昌  
化穆悖俗罕驚暴四時從偃息三省無侵冒下車遵喧席紆  
服始黔竈榮辱未遑敷德禮何由導沮祖奉南岳兼秩典邦  
號疲馬方云驅鉛刀安可操遺惠良寂寞恩靈亦匪報佳水  
日悠悠結信幸相勞吐  
納貽爾和窮通岳所蹈

遊敬亭山

茲山亘百里合沓與雲齊隱淪既已託靈異居然棲上千蔽  
白日下屬帶迴溪交藤荒且蔓修枝聳復低獨鶴方朝唳饑  
颺此夜啼滌雲已漫漫多雨亦淒淒我行難紆組兼得尋幽  
蹊緣源殊未極歸徑宵如迷要欲追奇趣即此凌丹梯皇恩  
竟已矣茲  
理庶無悞

將遊湘水尋句溪

既從陵陽釣挂鱗驟赤嶼方尋柱水原謁帝蒼山睡長哉日  
未會乘景天清漪瑟汨瀉長淀潺溪赴兩岐輕嶺上靡靡難

石下離離寒草分花映戲鮪乘空移興以暮秋月清霜落素  
枝魚鳥余方玩纓綉君自糜及茲暢懷抱山川長苦斯

### 賽敬亭山廟喜雨

夕悵懷椒精蠲景潔營薌登秋雖未獻望歲佇年祥潭淵深  
可厲狎邪車未方蒙龍皮絕限出沒見林堂秉玉朝群帝樽  
桂迎東皇排雲接虬蓋蔽日下霓裳會舞紛瑤席安歌繞鳳  
梁百味芬綺帳四坐沾羽觴福被延民澤樂極思故鄉登山  
騁歸望原雨晦茫茫胡  
寧昧千里解佩拂山莊

### 冬日晚郡事隙

案牘時閒暇偶座觀卉木颯颯滿池荷翛翛蔭窗竹簷隙白  
周流房櫳閒且肅蒼翠望寒山崢嶸瞰平陸已暢暮歸心復  
傷千里目風霜旦夕甚蕙草無芬馥云誰美  
笙簧孰是厭適軸願言稅逸駕臨潭餌秋菊

### 往敬亭路中聯句

山中芳杜綠江南蓮葉紫芳年不共遊淹留空若是  
豐漣漪青山多綉綺新條日向抽落花紛已委鞠從弱蔓既

青翠輕莎方罷靡鷺鷥鷗沒而遊廣鹿騰復倚嶺舉春岸望沉  
沉清流見瀾瀾幸藉人外遊盤桓未能徙鹺驚把把瓊芳隨  
山訪靈詭榮楯每嶙峋  
岫林堂多碣礧

### 祀敬亭山春雨聯句

水府衆靈出石室寶圖開白雲帝鄉下行雨巫山來  
讚靈德舞蹈起輕埃高軒乍留吹元羽或徘徊  
仙下識逸百神該青鳥飛  
層隙赤鯉泳瀾隈

### 紀功曹中園聯句

蘭亭仰遠風芳林接雲崿傾葉順清颺脩莖停高鶴  
綿夕雲歸曉日將落寸陰不可留蘭堦豈停酌  
照樹綠筠方解籜永志  
能兩忘卽賞謝邱壑

### 和謝宣城

沈約

王喬飛鳧鳥東方金馬門從宦非宦侶避世非避喧  
皇蓋歷胡屢飛胡晨遊建禮脫沐臥郊園賓至下塵榻憂

來命綠樽昔賢伴時雨今守瓊蘭葆神交疲夢寐路遠隔思  
存牽拙謬東汜浮情及西岷顧循良菲薄何以儼瑛璫將德  
勸解去刷  
羽汎清源

唐

送宇文太守赴宣城

王維

寥落雲山外迢遞舟中賞鏡吹發西江秋空多清響地迥古  
城蕪月明寒潮廣時賽敬亭神復解罟師網何處寄相思南  
風搖  
五兩

送張五諶歸宣城

五湖千萬里况復五湖西漁浦南陵郭人家春穀溪欲歸江  
渺渺未到草萋萋憶想蘭陵鎮可宜猿更啼

贈皇甫曾之宣州

劉長卿

莫恨扁舟去川途我更遙東西湖渺渺離別雨蕭蕭流水通  
春谷青山過板橋天涯有來客遲爾訪漁樵

寧國府志

卷二十四

藝文志 詩上

四

送處士歸宣州因寄林山人

陵陽不可見獨往復如何舊邑雲山裏扁舟來去過鳥聲春  
谷靜草色太湖多儻宿荆溪夜相思漁者歌

旅行泊宣州界

孟浩然

西塞沿江島南陵問驛樓潮平津渡濶風止客帆收去去懷  
前浦茫茫泛文流石逢羅剎礙山泊敬亭幽火熾梅根治烟  
迷楊葉洲離家復  
水宿相伴賴沙鷗

贈宣城宇文太守兼呈崔侍御

李白

白若白鷺鮮清如清暎蟬受氣有本性不為外物遷飲水簞  
山上食雪首陽顛迴車避朝歌掩口去盜泉嘗羹廣成子偶  
儻魯仲連卓絕二公外丹心無間然昔攀六龍飛今作百鍊  
鉛懷恩欲報主投佩向北燕彎弓綠絃開滿月不憚堅閒騎  
駿馬獵一射兩虎穿回旋若流光轉背落雙鳶胡人三嘆息  
兼知五兵權鎗鎗突雲將却掩我之妍多逢勦絕見先著祖  
生鞭據鞍空矍鑠壯志竟誰宣蹉跎復來歸憂恨坐相煎無  
風難破浪失計長江邊危苦惜顏光金波忽三圓時遊敬亭

上聞聽松風眠或弄宛溪月虛舟信河沿顏公二十萬盡付  
酒家錢興發每取之聊向醉中仙過此無一事靜談秋水荷  
君從九卿來水國有豐年魚鹽滿市井布帛如雲烟下馬不  
作威水盞照清川霜帽色中叟皆美太守賢時時慰風俗往  
往出東田竹馬數小兒拜迎白鹿前舍笑問使君日晚可迴  
旋遂歸池上酌掩却清風絃曾標橫浮雲下撫謝朓寫樓高  
碧海出樹古青蘿懸光祿紫霞杯伊昔忝相傳良圖掃沙漠  
別夢繞旌旄富貴日成疏願言杳無緣登龍有直道倚玉限  
芳筵敢獻纒朝策思同郭奉船何言一水凌似隔九重天崔  
生何傲岸縱酒復談元身爲名公子英才苦述遭鳴鳳托高  
梧凌風何騷翩安知  
慕群客彈劍拂秋蓮

### 宣城哭蔣徵君華

敬亭埋玉樹却是蔣徵君安得相如草空餘封禪文池臺空  
有月詞賦舊凌雲獨挂延陵劍千秋在古墳

### 登敬亭北二小山余時客逢崔侍御并登此地

送客謝亭北逢君縱酒還屈盤戲白馬大笑上青山  
迴鞭指長安西日落秦關帝鄉三十里杳在碧雲間

## 寧國府志

### 卷二十四

藝文志 詩上

五

### 贈宣州靈源寺仲濟公

敬亭白雲氣秀色連蒼梧下映雙溪水如天落鏡湖此中積  
龍象獨許濬公殊風韻逸江左文章動海隅觀心同水月解  
領得明珠今日逢  
支遁高談出有無

### 宣城見杜鵑

蜀國曾聞子規鳥宣城還見杜鵑花一叫一回腸一斷三春  
三月憶三巴

### 遊敬亭寄崔侍御

我家敬亭下輒過謝公作相去數百年風期寧知北登高素  
秋月下望青山郭俯視鷺鷥群飲啄自鳴羅夫子雖踏巖嵒  
臺雪中鶴獨立窺浮雲其心在寥廓時來顧我笑一飲葵與  
藿世路如秋風相逢盡蕭索腰間玉具劍意氣無遺諾壯士  
不可輕相  
期在雲閣

### 贈從弟宣城長史昭

淮南望江南千里碧山對我欲倦過之半落青天外宗英佐  
雄郡水陸相控帶長川豁中流千里瀉吳會君心亦如此包  
納無小大搖筆起風霜推誠結仁愛訟庭垂桃李賓館羅軒  
蓋何意蒼梧雲飄然忽相會才將聖不偶命與時俱背獨立  
山海間空老聖明代知音不易得挂  
劍增感慨當結九萬期中途莫先退

### 九日登響山

淵明歸去來不與世相逐爲無杯中物遂偶本州牧因招白  
衣人笑酌黃花菊我來不得得意虛過重陽時題輿何駿發遂  
結城南期築土接響山俯臨宛水涓胡人叫玉笛越女彈霜  
絲自作英王冑斯樂不可窺赤鯉湧棊高白龜道馮夷霧仙  
如彷彿莫醉遙相知古來登高人今復幾人在滄洲違宿諾  
明月猶可待連山似驚波合杏出溟海揚袂揮四座醅酌安  
所知齊歌送清揚起舞亂參差賓隨落葉  
散帽逐秋風吹別後登北臺願言長相思

### 青磬

青磬勝桐廬水木有佳色山貌日高古石容天傾側彩鳥昔  
未明白猿初相識不見同懷人對之空嘆息

## 寧國府志

### 卷二十四

藝文志

詩上

六

### 清溪行

一作宜州青溪

清溪清我心水色異諸水借問新安江見底何如此人行明  
鏡中鳥度屏風裏向曉猩猩啼空悲遠遊子

自梁園至敬亭山見會公談陵陽山水兼期同遊因有此贈

我隨秋風來瑤草恐衰歇中途寡名山安得弄雲月渡江如  
昨日黃葉向人飛敬亭枕素尚擘樞流清輝水谷明且秀陵  
巒抱江城絮絮吳與史衣冠耀天京水國饒英奇潛光臥幽  
草會公真名僧所在卽爲寶開堂振白拂高論橫青雲雲山  
培粉造墨客多新文爲余話雨樓且速陵陽美天開白龍潭  
月映清秋水黃山望石柱笑兀誰開張黃鶴久不求子安在  
蒼茫東南焉可窮山鳥飛絕處稠疊千萬峰相連入雲去聞  
此期振策歸來空閉關相思如明月可望不可攀何當發白  
足早晚交蒼山且寄  
一書札令子解愁顏

### 登敬亭南望懷古贈竇主簿

敬亭一回首目盡天南端仙者五六人青間此遊盤溪流乘  
高水石聳麻姑壇白龍降陵陽黃鶴呼子安羽化騎日月雲

行與鸚鵡下視宇宙間四溟浩波瀾決絕目下事從之復何  
難百歲落半途前途路漫漫強食不成味清晨起長嘆願隨  
子明上煉  
火燒金丹

### 與南陵常贊府遊五松山

安石泛汎俱泐獨嶺長風還逸韻動海上高情出人間靈異可  
并跡澗然與世隔我來五松下置酒窮躋攀徵古絕遺老因  
名五松山五松何清幽勝境美沃州蕭颯鳴洞壑終年風雨  
秋響入百泉去聽如三峽流剪竹掃天花且從傲吏遊龍堂  
若可謂言  
欲歸精修

### 遊五松山贈南陵常贊府

為草當作蘭為木當作松蘭幽香風遠松寒不改容松蘭相  
因安蕭艾徒丰茸雖與蕪并食齋真鸞同枝棟珠去砂礫那  
有珠相隨遊客投名賢真堪寫懷抱若識方寸心待誰可傾  
倒虞卿棄趙相便與魏齊行海上五百人同日死田橫當時  
不好賢豈博千古名願付同心人於我少留情寂  
寂還寂寂出門迷所適長鍊歸來兮秋風思歸客

### 別韋少府

西出滄龍門南登白鹿原欲尋商山皓猶戀漢皇恩水國遠  
行邁仙經深討論洗心向秋月清耳敬亭猿築室在人境閉  
關無世喧多君枉高駕贈我以微言交乃意  
氣合道因風雅存別離有相思瑤琴與金尊

### 遊水西簡鄭明府

天宮水西寺雲錦照東郭清漪鳴迴溪綠水繞飛閣涼風日  
瀟酒幽谷時憇泊五月思貂裘謂言秋霜落石蘿引古蔓岸  
筍開新擘吟翫空復情相思示佳作鄭公詩  
人秀逸韻宏寥廓何當一來遊愜我雪山諾

### 涇溪南藍山下有落星潭可以卜築余泊舟石上寄何判官

#### 昌浩

藍岑竦天壁突兀如鯨額奔蹙橫澄潭勢吞落星石沙帶秋  
月明水搖寒山碧佳景宜緩棹清輝能留客恨君阻歡遊使  
我自驚惕所期俱  
卜築結茅鍊金液

早過漆林渡寄萬巨

西經大藍山南來漆林渡水色倒空青林烟橫積素湍流昔  
存翁沓浪鏡奔注潭落天上星龍開水中霧繞峇注公柵突  
兀陳焦臺嶺峭紛上下川明屢迴顧因思萬  
夫子解渴司瓊樹何日覩清光相歡詠佳句

澁灘

澁灘鳴嘈嘈兩水走猿猴白波若捲雪側石不容舸舟人與  
漁人撐折萬張篙

六刺灘

三門橫峻灘六刺走波瀾石驚虎伏起水狀龍祭盤何慙七  
星灘使我欲垂竿

登天柱石望黃山

韓晨騎白鹿西征華山中玉文千餘人相隨在雲空見我傳  
秘訣精神與天通何意到凌陽遊目送飛鴻天子昔避狄與  
君亦乘驄擁兵五陵下長策遏胡戎時秦解繡衣脫身若飛  
蓬鸞鳳翻羽翼坐焚籠海鶴一笑之思歸向遼東黃山

寧國府志

卷二十四

藝文志 詩上

八

過石柱巖磔上攢叢因巢翠玉樹忽見浮邱公又引王子喬  
吹笙舞松風朗詠紫霞篇請開蓋珠宮步周繞碧落倚樹招  
青童何日可攜手遺形入無蹤

送溫處士歸黃山

黃山四千仞三十二蓮峰丹崖夾石柱菡萏玉芙蓉伊昔升  
絕頂俯窺天日松仙人植玉處羽毛留餘踪亦聞溫伯雪獨  
往今相逢採秀辭五嶽擊巒慙萬重歸休日鷺嶺渴飲丹砂  
井鳳吹我來時雲車雨當整去去陵陽東行行芳徑叢迴溪  
十六渡碧障盡晴空他  
日還相訪乘橋躡彩虹

贈黃山胡公暉求白鷗

請以雙白璧買君雙白鷗白鷗如白雪白雪耻容顏照影玉  
潭裡刷毛琪樹間夜棲寒月靜朝步落花閑我願得此鳥翫  
之坐碧山胡公能  
輒贈龍奇野人還

寄韋南陵冰



南正當風北船來自緩江上相逢借問君語笑未了風吹  
斷聞君揚奴訪情人應爲尚書不願身堂上三千珠履客  
中百斛金陵春恨我阻此樂池歸楚江濱月色醉遠客山花  
開欲然春風狂殺人一日剝三千束與嫌太遲英却子欲歸  
夢見玉柳枝已堪挂馬鞭  
何日到彭澤長歌陶令前

### 南陵別兒童入京

白酒初熟山中歸黃雞啄黍秋正肥呼童烹雞酌白酒兒女  
嬉笑牽人衣高秋取醉臥自慰起雞落日爭光輝遊說萬乘  
若不早着鞭跨馬涉遠道會稽愚婦輕買臣子亦  
辭家西入秦仰天大笑出門去我輩豈是蓬蒿人

### 宣城謝朓樓餞別校書叔雲

棄我去者昨日之日不可留亂我心者今日之日多煩憂長  
風萬里送秋雁對此可以酣高樓蓬萊文章建安骨中間小  
謝又清發俱懷逸興壯思飛欲上青天攬日月抽刀斷水水  
更流舉杯消愁愁更愁人生在世不稱意明朝散髮弄扁舟  
別山僧

## 寧國府志

### 卷二十四

藝文志

詩上

九

何處名僧到水西乘舟弄月宿溪澗平明別我上山去手携  
金策踏雲梯騰身轉覺三天近舉足回看萬嶺低誰浪肯居  
支遁下風流還與遠公齊此度  
別離何日見相思一夜與猿啼

### 涇溪東亭寄鄭少府諤

我遊東亭不見君沙上行將白鷺羣白鷺閒時散飛去又如  
雪點青山雲欲往涇溪不辭遠龍門盛波虎眼轉杜鵑花開  
春已闌歸向  
陵陽釣魚晚

### 夜宿黃山聞殷十四吳吟

昨夜誰爲吳會吟風生萬壑振空林龍驚不敢水中臥猿嘯  
時聞岩下音我宿黃山碧溪月聽之却罷松間琴朝來果是  
滄洲逸酌酒提盤飯霜菓半酣  
更發江海客愁頓向杯中失

### 秋登北樓

江城如畫裡山曉望晴空兩水夾明鏡雙橋落彩虹人烟寒  
橋袖秋色老梧桐誰念北樓上歸風懷謝公

謝公亭

謝公離別處風景每生愁客散青天月山空碧水流池花春  
映日窗竹夜鳴秋今古一相接長歌懷舊遊

過崔八丈水亭

高閣橫秀氣清幽并在君簫飛宛溪水窗落敬亭雲猿嘯風  
中斷漁歌月裏聞閑隨白鷗去沙上自為群

寄從弟長史昭

爾佐宣城郡守官清且閒常誇雲月好遂我敬亭山五落洞  
庭葉三江遊未還相思不可見太息損朱顏

送宛句趙少府子卿

解中行作吏尊酒謝離居修竹合清景華池淡碧虛地將幽  
興慙情與舊遊疎林下紛相送多逢長者車

江上呈裴宣州

江上與天連風帆何森然遙林浪出沒孤舫鳥聯翩常愛千  
鈞重深思萬事捐報恩非徇祿還逐賈人船

寧國府志

卷二十四

藝文志 詩上

十

題宛溪館

吾憐宛溪好百尺照心明可謝新安水千尋見底清白沙雷  
月色綠竹助秋聲却笑嚴湍上於今獨擅名

宿五松山下荀媪家

我宿五松下寂寞無所懼田家秋作苦隣女夜春寒跪進雕  
胡飯月光明素盤令人慚漂母三謝不能餐

寄宣城崔侍御

宛溪霜夜聽猿愁去國長為不繫舟獨憐一雁飛南海却羨  
雙溪解北流高人屢下陳蕃榻過客難登謝朓樓此處別離

同落葉朝朝  
分散敬亭秋

敬亭山獨坐

衆鳥高飛盡孤雲獨去閒相看兩不厭只有敬亭山  
台杳杳數峯奔來鎮平楚中間最高頂彷彿接天語

哭善釀紀叟

紀叟黃泉下還應懷老春夜臺無李白沽酒與何人

### 鍊丹井

聞說神仙晉葛洪鍊丹曾此占雲峯庭前廢井今猶在不見長松見短松

### 桃花潭贈汪倫

李白乘舟將欲行忽聞岸上踏歌聲桃花潭水深千尺不及汪倫送我情

### 與謝良輔遊水西靈巖寺

乘君素舸泛涇西宛似雲門對若溪且從康樂尋山水何必東遊入會稽

### 遊靈巖寺

韋應物

始入松路永獨欣山寺幽不知臨絕檻乃見西江流吳岫分烟景楚甸散林邱方悟關塞渺重軫故園愁聞鐘戒歸騎憇澗借良遊地疎泉谷狹春深草木稠茲焉賞未極清景期杪秋

## 寧國府志

### 卷二十四

藝文志

詩上

十一

### 宣城路錄事

江上宣城郡孤舟遠到時雲林謝家宅山水敬亭祠綱紀多間日觀遊得賦詩都門且盡醉此別數年期

### 晚入宣城界

錢起

斜日片帆陰春風孤客心山來指樵路岸去惜花林海氣蒸雲黑潮聲隔雨深鄉愁不可道浦宿聽猿吟

### 和宣城張太守南亭秋夕懷友

池館蟪蛄聲梧桐秋露清月臨朱戟靜河近畫樓明捲幔浮涼入聞鐘永夜清片雲戀曙斗數雁過秋城羽扇揚風暇瑤棊悵別情江山飛屣藻謝朓讓前名

### 送李侍御歸宣州使幕

韓翃

春草東江外翩翩北路歸官齊魏公子身逐謝元暉山色隨行騎鶯聲傍客衣主人池上酌携手暮花飛

### 東峯亭賦古壁苔

劉太真

苒苒溫寒泉綿綿古危壁光含孤翠色色與暮雲寂深淺松  
月間遊人自登歷

東峰亭賦垂澗藤

袁 儻

寒澗流不息古藤終日垂迎風仍未定拂水更相宜新花與  
舊葉惟有幽人知

喜陸侍御破石墖草寇東峰亭賦詩

古寺東峯上登臨興有餘同觀白簡使新報赤囊書幾處閒  
烽埃千方慶里間欣欣夏木長寂寂晚煙徐戰罷言歸馬師  
還賦出車因知越  
苑蠡湖海意何如

東峰亭賦棲煙鳥

李 岑

從來蒼毛羽昔日曾飛遷變轉對朝陽差池棲夕烟遇此枝  
葉覆風舉翼冲天

東峰亭賦寒溪草

蘇 寓

羅歷溪邊草遊人不厭看餘芳幽處老深色望中寒幸得陪  
清興青青賞未闌

寧國府志

卷二十四

藝文志 詩上

五

東峰亭賦陰崖竹

袁 奩

終歲寒苔色寂之幽思深朝歌猶夕嵐日永留清陰龍鍾負  
煙雪自有表雲心

東峰亭賦嶺上雲

佇立增遠意中峰見孤雲溶溶傍危石片片宜夕曛漸向群  
木盡殘飛更氣嵐

東峰亭賦幽徑石

王 緯

片石東溪上陰崖剩阻修雨餘青石靄歲晚綠苔幽從來不  
可轉今日為人留

東峰亭賦臨軒桂

郭 澹

青青芳桂樹幽陰在庭軒向日陰還合從風葉乍翻共看霜  
雪後終不變涼暄

東峰亭賦林中翠

高 儂

杳靄無定狀霏微常滿林清風光不散過雨色偏深幽意實  
難盡終朝再招詩

宣城逢張二南史

耿 漳

全家宛陵客文雅世難逢寄食年將老干時計未從秋來句  
曲水雨後敬亭峰西北長安遠登臨恨幾重

詠宣州筆

寒竹慚虛受纖毫任幾重影端緣守直心勁懶藏鋒落紙驚  
風起搖空見露濃丹青與文事捨此欲何從

送宋校書赴宣州幕

盧 綸

南想宣城郡江清野戍閒矇矓高映浦睥睨曲隨山名寄圖  
書內戚生將吏間行春板橋暮應伴庾公還

送崔琦赴宣州幕

五馬臨流待幕賓羨君談笑出風塵身閑就養寧辭遠世難  
移家莫厭貧天際曉山三峽路津頭臘市九江人何處遙知  
最惆悵滿湖  
青草雁聲春

送夏中丞赴寧國任

李 端

寧國府志

卷二十四

藝文志 詩上

三

楚縣入青楓長江一派通板橋尋謝客古邑事陶公片雨收  
山外連雲上漢東陸機猶帶洛念子望南鴻

送周長史

青楓樹裏宣城郡獨住諸侯上板橋江客亦能傳好信山僧  
多解說南朝雲陰出浦看帆小草色連天見雁遙別有空園  
落桃杏知將  
絲組繫蘭橈

宣城雪後遠望郡中寄孟侍御

張南史

臘後年華變關西驛路遙塞鴻連暮雪江柳動寒條山水還  
鄣郡圖書入漢朝高樓非別處故使百憂消

送張周二秀才謁薛宣城

權德輿

儒衣兩少年春棹穀溪船湖月供詩興煙嵐費酒錢上帆投  
極浦歌枕傲晴天不用愁羈旅宣城太守賢

和宣城沈大夫登北樓書懷

令狐楚

兵符嚴重辭金馬星座光芒射斗牛筆落青山飄古韻帳開  
紅旆照高秋香連日影浮綉幕溪遠笙聲逸畫樓可惜登臨

佳麗地羽儀  
須去鳳池遊

### 示爽時之宣城

韓愈

宣城去京國里數逾三千念汝欲別我解裝具盤筵日昏不能散起坐相引牽冬夜豈不長達旦燈燭然座中悉親故誰肯舍汝眠念汝將一身西來會幾年名科掩衆俊州考居吏前今從府公召府公又時賢時輩千百人誰不謂汝妍汝來江南近里閭故依然昔日同戲兒看汝立路邊人生但如此其實亦可憐吾老世味薄因循致雷連強顏班行內何適非罪愆才短難自力懼終莫洗滿臨分不汝誑有路即歸田

### 酬宣州崔大夫見寄

劉禹錫

白衣曾拜漢尚書今日恩光到做廬再入龍樓稱綺季應緣狗監說相如中郎南鎮權方重內史高齋興有餘遙想敬亭春欲暮百花飛盡柳花初

### 送元上人歸稽亭

張籍

## 寧國府志

### 卷二十四

藝文志 詩上

十四

重疊稽亭路山僧歸獨行遠峰斜日影本寺舊鐘聲徒侶問新事煙雲愴別情應誇乞食處踏遍鳳凰城

### 麻姑山

曾遊仙蹟見豐碑除却麻姑更有誰雲蓋青山龍臥處日臨丹河鶴歸時霜凝上界花開晚月冷中天果熟遲人到便須拋世事稻田遠儼種靈芝

### 歷陽書事七十韻

并引

長慶四年八月余自夔州轉歷陽浮岷山觀洞庭歷夏口涉潯陽而東友人崔敦詩罷丞相鎮宛陵緘書來招曰必我覲而之藩不十日飲不置子故余自池州道宛陵如其素敦詩出袖於敬亭祠下由姑孰西渡江乃吾園也至則考圖經參見事爲之詩俟采風之夜諷者

一夕為湖地千年列郡名  
霜王迷路處亞父所封城  
漢道東兩尉梁分別腋兵本  
吳風俗割兼楚語音倉泚井  
今無勇鳥江舊有名土臺遊  
柱史石室隱彭鏗曹操猶在  
濡須塢未平海潮隨月大江  
水應春生憶昨深山裡終朝  
看火耕魚書來北關鷓首下  
南荆雲雨巫山暗蕙蘭湘水  
清章華樹已失鄂渚草來迎  
鷹卓香爐出溢城粉堞明雁  
飛彭蠡暮鷗梁大雷晴平野  
分風使恬和趁夜程貴池登  
陸峻春穀渡鷓鴣盛忘機笑  
語句管清疑警鶴絃巧似嬌  
鶯熾炭烘騰獸華茵織鬪鯨  
回裾飄雨霧急節墮瓊瑛欵  
黛凝愁色施細耀翠晶容華  
本南國妝束學西京日落方  
收鼓天寒更炙笙促蓮交履  
鳥病飲倒簪纓蕪浪容優孟  
矯憐許智瓊蔽明添翠布命  
燭柱金莖坐久羅衣皺杯頻  
頻粉面駐輿來從請曲意墮  
即飛觥令急重須改歡馮醉  
盡呈詰朝還選勝來日又尋  
盟道別殷勤惜遂筵次第爭  
唯聞嗟短景不復有餘醒眾  
散局朱戶相携話素誠晤言  
猶舊臚交漏自丁丁出祖千  
夫擁行厨五熟烹離亭臨野  
水別思入哀箏接境人情洽  
方冬饌具需中漁為界道隔  
岸數飛蕪沙浦王西鎮滄洲  
謝朓城望大人化石夢帝日  
環營半渡趨津吏綠堤簇郡  
毗場黃堆晚稻鱗碧見冬苦  
里社爭來獻壺漿各自擊鷗  
夷傾底寫輶枚關關成

寧國府志

卷二十四

藝文志 詩上

五

采石風傳板新林暮擊鉦  
繭綸牽撥刺犀皎照澄泓露  
冕觀原野前馳抗旆旌分庭  
展賓主望闕拜恩榮比屋惇  
隆輩連年水旱并邇忘常後  
已下令必先庚遠岫低屏列  
支流曲帶紫湖魚香勝肉宮  
酒重於陽憶昔泉源變斯須  
地軸傾離離為石野邇眼入  
泥坑事繫人風重官從物論  
輕江春俄淡蕩樓月幾虧盈  
柳長千絲宛田陸一線緝遊  
魚將婢從野雉見媒驚波淨  
攢是鵲洲香發杜蘅一鍾菰  
封米千里水葵羹受謹時方  
久分憂政未成比瓊雖疎疎  
於鐵尚錚錚早忝登三署曾  
問奏六英無能甘負弩不慎  
在提衡口語成中邁毛衣阻  
上征時聞關利鈍智亦有藝  
盲昔愧山東妙今慙海內兄  
後來登甲乙早已在蓬瀛心  
托秦明鏡才非楚白珩齒衰  
親藥物官薄傲公卿捧日肯  
元老宣風盡大彭好令朝集  
使結

東赴  
新正

送稽亭山僧

張籍

新生稽亭高處寺斜廊曲閣  
倚雲開山門十里松間入泉  
澗三重洞裏水含岳尋遊今  
已瀟家城禮講便應迴舊房  
到日

謝吟後林下  
送登說法臺

紫毫筆歌

白居易

紫毫筆尖如錐兮利如刀江南石上有老兔喫竹飲泉生紫毫宣州之人採為筆千萬毛中揀一毫毫雖輕功甚重管勒工名歲充貢君兮臣兮勿輕用勿輕用將何如願賜東西府御史願頌左右臺起居翊管趨入黃金闕抽毫立在白玉除臣有姦邪正衙奏君有動言直筆書起居郎侍御史爾知紫毫不易致每歲宣城進筆時紫毫之價如金貴慎勿空將彈失儀慎勿空將錄制詞

紅線毯

紅線毯擇蒲練絲清水煮揀絲揀線紅藍染染為紅線紅子藍織作披香殿上毯披香殿廣十丈餘紅線織成可殿鋪綵絲茸茸香拂拂線軟花虛不勝物美人闕上歌舞來羅襪綠鞋隨步沒太原毯溢毳縷硬蜀都褥薄錦花冷不如此毯温且柔年年十月來宣州宣城太守加樣織自謂為臣能竭力百夫同擔進宮中線厚絲多卷不得宣城太守知不知一丈毯千兩絲地不知寒人要暖少奪人衣作地衣

宣國府志

卷二十四

藝文志 詩上

六

宣州崔大夫閣老忽以近詩數十首見示吟諷之下竊有所

喜因成長句寄題郡齋

謝元暉及吟詩郡閣寥寥筆硯閑無復新詩題壁上虛教遠岫列臆間忽驚邸雪今朝至必恐文星昨夜還再喜宣城章句動飛鷗遙賀敬亭山

窗中列遠岫

見本集宣州試射中正鵠賦後

天靜秋山好窗開曉翠通遙憐峯窈窕不隔竹朦朧萬點當虛室千重疊遠峰列檐攢秀氣縈隙助清風碧愛新晴後明宜反照中宣城郡齋在望與古時同

南湖早春

風迴雲斷雨初晴返照湖邊暖復明亂點碎紅山杏發平鋪新綠水蘋生翅低白雁飛仍重舌澀黃鸝語未成不道江南春不好年年衰病減心情



南湖晚秋

八月白露降湖中水芳老旦夕秋風多衰荷半傾到手攀青  
楓樹足踏黃蘆草慘淡老容顏零落秋懷抱有兄在淮楚有  
弟在蜀道萬里何時來煙波白浩浩

白雲寺

沈傳師

僧愛白雲溪上飛白雲深處做禪扉莫言便是無心物思着  
故山依舊歸

八日陪范中丞傅正與范侍御傅真宴東峰亭

鮑溶

人日春風綻早梅謝家兄弟看花來吳姬對舞歌千曲秦女  
留人酒百杯絲柳向空初宛轉玉山看日漸徘徊流光易去  
歡難得莫厭頻頻上此臺

宣城北樓昔從順陽公會於此

寧國府志

卷二十四

藝文志

詩上

十七

詩樓郡城北窗牖敬亭山幾步塵埃隔終朝世界閒憑師看  
粉壁名姓在其間

東高峯

東亭最高峙春樹繞山腰畫裏青鸞客雲中碧玉簫秋風若  
西望爲我一長謔

望麻姑山

幽人往往懷麻姑浮世悠悠仙景殊自從青鳥不堪使更得  
蓬萊消息無

隱靜寺

張祐

松徑上登攀深行烟靄間合流厨下水對聳殿前山澗碧鳥  
聲迥泉清僧步閒更憐飛一錫天外與雲還

陪范宣城北樓夜宴

華軒敞碧流官妓擁諸侯粉項高叢鬢檀妝慢裏頭亞身催  
蠟燭斜眼送香毬何處偏堪恨千迴下客籌

題宣州開元寺

杜牧

南朝謝朓城東吳最深處亡國去如鴻遺寺藏烟塢樓飛九  
十尺廊環四百柱高高下下中風繞松桂樹青苔照朱閣白  
鳥兩相語溪聲入僧夢月色暉粉堵閱景無  
旦夕憑闌有今古留我酒一罇前山看春雨

### 自宣州赴官入京路逢裴坦判官歸宣州因題贈

敬亭山下百頃竹中有詩人小謝城城高跨樓滿金碧下聽  
一溪寒水聲梅花落徑香綠繞雪白玉墻花下行紫風酒旆  
挂朱閣半醉遊人聞美笙我初到此未三十頭腦彭利筋骨  
輕畫堂檀板秋拍碎一引有時聯十觥老閒腰下丈二組塵  
土高懸千載名重遊鬢白事皆改唯見東流春水平對酒不  
敢起逢君還眼明雲罍看人捧波臉任他橫一醉六十日古  
來聞阮生是非離別際始見醉中情今日送君話前事  
高歌引劍還一傾江湖酒伴如相問終老烟波不計程

### 開元水閣

六朝文物草連空天淡雲閒今古同鳥去鳥來山色裡人歌  
人哭水聲中深秋簾幔千家雨落日樓臺一笛風惆悵無因  
見范蠡參差  
烟樹五湖東

## 寧國府志

## 卷二十四

藝文志 詩上

六

### 宣城送裴坦判官

日暖泥融雪半消人行芳草馬聲驕九華山路雲遮岫青弋  
江村柳拂橋君意如虹高的我心懸旆正搖搖同來不得  
同歸去故國  
逢春正寂寥

### 自宣城赴官上京

蕭洒江湖十過秋酒杯無日不淹留謝公城外溪驚夢蘇小  
門前柳拂頭千里雲山何處好幾人襟韻一生休塵冠却挂  
知聞事終擬  
踟躕訪舊遊

### 題宣州

土控吳兼越州連歙與池山河地襟帶軍鎮國藩維

### 水西題祭公樓

三川去還去一生焉再遊舍

溪水重上祭公樓

開元寺

松寺曾同一鶴棲夜深臺殿月高低何人爲倚東樓住正是  
前山雪漲溪

題元處士高亭

水接西江天外聲小齋松影拂雲平何人教我吹長笛與倚  
春風弄月明

遊水西寺

李白題詩水西寺古木迴巖樓閣風半醒半醉遊三日紅白  
花開煙雨中

譚子池

郭周藩

澄水一百步世名譚子池余詰陵陽叟此地當因誰父老爲  
余說本郡譚叔皮開元末年中生子字阿宜墜地便能語九  
歲多鬚眉不飲亦不食未嘗言渴饑十五銳行走快馬不能  
追二十八入山林一去無還期父母憶念深鄉間爲立祠大歷  
元年春此兒忽來歸頭冠簪鳳凰身著霞裳衣普遍拯疲俗  
丁寧告親知余爲神仙官下界不可祈恐爲妖魅假不如早

靈國府志

卷二十四

藝文志

詩上

九

平夷此有黃金藏鎮在茲廟基發掘散生聚可以救貧羸金  
山繼靈泉湛若清琉璃泓澄表符瑞水旱無竭時言訖辭冲  
虛杳靄上元微凡情畱不得攀望衆號悲尋稟神仙戒徹廟  
刷開窺果獲無窮寶均融沾困危巨源出嶺頂噴湧世間稀  
異境流千古  
終年福四維

南陵畱別段氏兄弟

許渾

不知身老大猶似舊時狂爲酒畱山縣題詩徧草堂歸期秋  
未盡離恨日偏長更羨君兄弟參差雁一行

題元處士幽居

潺湲遠門水未省濯纓塵鳥散千岩曙蜂來一徑春杉松還  
待客芝朮不求人寧學磻溪叟逢時罷隱淪

元處士自洛歸宛陵山居因贈

紫霄峰下絕韋編舊隱相如結鞶前月落尙畱東閣醉風高  
還憶北窗眠江城夜別蕭蕭雨山檻晴歸漠漠州一頃豆花  
三頃竹相應  
池邦鈞魚莊

陪宣城大夫崔公泛後池兼北樓讌二首

陪泛芳池醉北樓  
水花繁艷照膺舟  
亭臺陰合樹初晝  
弦管韻高山欲秋  
皆賀號岩終選傅  
自傷燕谷未逢鄒  
昔時恩遇今能否  
一尉滄洲已白頭  
江上西來共鳥飛  
剪荷浮泛似輕肥  
王珣作簿公會喜  
劉表為邦客盡依  
雲外軒窗通早景  
風前簫鼓送殘暉  
宛陵行樂金陵住  
遙對家山未憶歸

白雲寺

一片白雲千丈峰  
殿堂樓閣架虛空  
山僧不語捲簾坐  
遙看世間如夢中

宛陵寓居上沈大夫二首

趙 嘏

滿耳謠歌滿眼山  
宛陵城郭翠微間  
人情已覺春常在  
溪戶仍將水共閒  
曉色入樓紅靄靄  
夜聲尋砌碧潺潺  
幽雲高鳥俱無事  
晚伴西風醉客還

寧國府志

卷二十四

藝文志 詩上

十

溪樹參差綠可攀  
謝家雲水滿東山  
能忘天上他年貴  
來結林中一日閒  
醉叩玉盤歌裊裊  
暖鳴幽澗鳥關關  
觥籌不盡須歸去  
路在春風縹緲間

宛陵館冬青樹

碧樹如烟覆晚波  
清秋欲盡客重過  
故園亦有如州樹  
鴻雁不來風雨多

贈宣州亢拾遺

項 斯

傳騎一何催  
山門晝未開  
高人終避世  
聖主不遺才  
坐次歛臨水閒中  
獨舉杯誰為旦夕  
侶深寺數僧來

湯泉

賈 島

維泉擊何代開鑿  
同二儀五行分水  
火厥用誰一之霞  
掀祝融井日暖扶  
桑池氣殊碧石厲  
脉有靈砂滋驢山  
豈不好玉環汚流  
脂至今華清樹空  
遺後人悲遐哉哲  
人逝此水真吾師  
一濯三沐髮六鑿  
還希夷伐毛返骨  
髓髮白令人照十  
年走塵土負我汗  
漫期再來池上游  
鵬熱三伏時古寺  
僧寂寞但餘壁上  
詩不見題詩人令  
我長嘆咨

送友人之南陵

莫漢徒勞向宦途不羣氣岸有誰如南陵暫掌仇香印北闕  
終行賈誼書好趁江山尋勝境莫辭韋杜別幽居少年躍馬  
同心使免得詩中道跨驢

敬亭祠

劉洽

森森古木列岩隈迥壓寒原霽色開雲雨只從山上起風雷  
多在廟中來三江入海聲長在雙鶴啼天影未迴花落空庭  
春晝晚石床  
松殿滿青苔

麻姑山

麻姑此地煉神丹寂寞烟霞古壺殘一自仙娥歸碧落幾年  
春雨洗紅蘭帆飛震澤秋江遠雨過陵陽晚樹寒山嶺白雲  
十萬片時聞  
鸞鶴下仙壇

送李侍御歸宣州

許棠

寧國府志

卷二十四

藝文志 詩上

三

吟詩早得名戴豸又加榮下國閒歸去他人少此情雲移寒  
嶠出燒衣夜江明重引池塘思還登謝朓城

送王侍御赴宣城

戴豸却驅雞東南上句溪路過金谷口帆轉石城西水樹連  
天暗山禽繞郡啼江人諸舊化那復俟招攜

送李頻之南陵主簿

赴縣是還鄉途程豈覺長聽鶯離灞岸盪槩入陵陽野蕨生  
公署閑雲拂印床晴天調膳外垂釣有池塘

白龜城

左匡政

城堞千尋險池隍十里餘樓臺侵漢宇鼓角動郊墟羅虎三  
軍擁壺漿萬戶舒急須脩表進天意欲何如

懷宛陵舊遊

陸龜蒙

陵陽佳勝昔年遊謝朓青山李白樓惟有日斜溪上思酒旗  
風影落春流

送夏侯審赴寧國

司空圖

青沂連白浪曉日渡南津山疊陵陽地舟多建業人烟霞高  
古寺楓竹暗傷神如接元暉集江城獨見親

### 送許棠還涇邑

張喬

離鄉積歲年歸路遠悠然夜火山頭市春江樹杪船千戈愁  
鬢改瘴癘喜家全何處營甘旨湖海浸浸田

### 送許棠及第歸宣州

雅調一生吟誰為晚達心旁人賀及第獨自却沾襟宴別館  
天樂家歸礙日岑青門許攀送故里接雲林

### 送南陵尉李頌

重作東南尉生涯尚似僧客程淮館月鄉思海船燈晚霧看  
春穀晴天見朗陵不應三考足先授詔書徵

### 送友人歸

落花兼柳絮無處不紛紛遠道空歸去流鶯獨自聞野橋喧  
碓水山郭入樓雲故里南陵曲秋期更送君

### 隱靜寺閣

## 寧國府志

### 卷二十四

藝文志

詩上

三

誰家煙迳長莓苔金碧虛闌竹上開流水遠分山色斷清猿  
時帶角聲來六朝明月惟詩在三楚空江有雁迴達理殆應  
少惆悵僧閒因得話天台

### 寄宣州竇常侍

羅隱

往年西謁謝元暉尊酒雷歡醉始歸曲檻柳濃鶯未老一園  
花暖蝶初飛噴香瑞獸金三尺舞雪佳人玉一圍今日亂離  
尋不得滿叢風雨釣魚磯

### 送梅處士歸寧國

十五年前卽別君別時天下未紛紜亂離且喜身常在存沒  
那堪耳更聞良會設勞悲曩跡舊交誰去弔荒墳殷勤爲謝  
逃名客想望千秋嶺上雲

### 登宛陵條風樓寄竇常侍

亂羅時節懶登臨試借條風半日吟只有遠山含煖律不知  
高閣動歸心溪喧晚棹千聲浪雲護寒郊數丈陰自笑疎慵

似麋鹿也教  
臺上費黃金

### 涇溪吟

涇溪石險人兢懼終歲不聞傾覆人却是平流無石處特時  
聞說有沉淪

### 題石門

靈岩一竅何年鑿混沌初開有此門採藥仙人何處去山中  
不改舊乾坤

### 送許棠之官涇邑

鄭谷

白頭新作尉縣在故山中向第能卑宦前賢尚此風蕪湖春  
蕩漾梅兩晝溟濛佐理人安後蕭章莫廢功

### 麻溪

杜荀鶴

麻溪清徹底似入武陵溪兩岸山相向三春鳥亂啼酒旗和  
柳動僧塔與雲齊此是歸期路歸期路勿迷

### 亂後宿南陵廢寺寄沈明府

## 寧國府志

## 卷二十四

藝文志 詩上

三

祇共寒燈坐到明塞鴻衝雪一聲聲亂時為客無人識廢寺  
吟詩有鬼驚且把酒杯添志氣已將身事託公卿男兒仗劍  
酬恩在未肯  
徒然過一生

### 題宛陵北樓

鄭準

雨來風靜綠蕪鮮凭著朱闌思浩然人語獨耕燒後嶺鳥飛  
斜沒望中煙松梢半露藏雲寺灘勢橫流出浦船若遣謝宣  
城不死必應  
吟盡夕陽川

### 登水西清居臺

魏巒

迤邐清居臺連延白雲外側聆天上語下視飛鳥背

### 峴山送崔子向之宣州謁裴使君

釋皎然

楚思入詩清晨登峴山情秋天水西寺古木宛陵城琴匣應  
將往書車亦共行吾知江太守一顧重君名

### 送僧遊宣州

楚山千里一僧行念切初緣道未成莫向舒姑泉口泊此中  
嗚咽爲傷情

### 冬日梅溪送裴方舟之宣州

平明匹馬上郵橋北發梅溪雪未消日短天寒愁送客楚山  
無限路遙遙

### 隱靜寺

僧清塞

一宿五松杯渡寺虛廊中夜磬聲分疎林未露上方月幽澗  
忽生平地雲高鳥背泉栖靜境遠人當燭想遺文暫來此地  
歇勞足望斷故園滄海濱

### 宛陵送李明府歸江州

李鵬

菊花村晚雁來天共把離觴向水邊官滿便尋垂釣侶家貧  
已用賣棗錢浪生盈浦千層雪雲起爐峯一縷煙倘見吾鄉  
舊知己爲言憔悴過年年

### 開元寺閣

薛能

## 寧國府志

### 卷二十四

藝文志 詩上

七

一閣見一郡亂流仍亂山未能終日住尤愛暫時間唱棹吳  
門去啼林杜宇還高僧不可羨西景掩柴關

### 送人之宣城

潘佐

江畔送行人千山生暮氛謝安團扇上爲畫敬亭雲

### 風光閣

王禹

水東城閣水西山無限風光咫尺間沙鳥慣驚春浪惡野僧  
長伴暮雲閒柳堤客艇時爭聚竹逕禪扉夜不關令尹邇來  
公事少坐看漁父扣舷還

### 遊棗溪

武甄

環潭澄曉色疊嶂照秋影幽致忻忻逢紛慮自茲屏

### 遊棗溪

邢巨和

靈溪非人迹仙意素所秉峻嶺森翠微澄潭照秋影



三十六峯

釋島雲

峯峯寒冽碧芙蓉靜想嵩陽秀不如峭削僅傳三十六參差  
何啻一千餘泥封處處雷丹井石匣晉晉隱玉書終待在臨  
最高頂便隨鸞鶴五雲車

五代

送鄧王二十弟牧宣城

李煜

南唐後主

且維輕舸更遲遲別酒重傾惜解攜浩浪侵愁光蕩漾亂山  
疑恨色高低君馳檣楫情何極我倚闌干日向西咫尺烟江  
幾多地不須懷抱重妻其

贈旌德呂明府

黃滔

渥洼步數太阿姿爭遣王侯不奉知花作城池入官處錦隨  
刀尺少年時兩衙斷獄兼留客三考論功合樹碑須信隔簾  
看刺史錦章朱綬已葳蕤

寧國府志

卷二十四

藝文志 詩上

五

夏日即事

呂從慶

結伴居山寺超然見白雲境閒堪問道客雅好論文坐石惟  
看奕行田或課耘夜來塵俗語不向夢中聞

春日書懷

豐溪村內野人居隱約南山對敞廬花下小橋春策蹇竹中  
深徑夜歸漁無名正可野王謝有句還能繼庾徐醉罷獨醪  
鄰客散一番清夢又蘧蘧

築居

梅遠

昔居苕之南今適宛之北溪山故線繞往來等鄉國愛此大  
古風不但占林樾嵐氣散亭浮波光霽潭接雖在城市傍而  
與喧囂隔息心謝紛煩投閒遺一切結構類茅茨寧復事雕  
飾草堂亦易成經營豈木石喜見野人來漸與塵跡絕把我  
盈尊酒妻兒同一啜

遷居

百里猶鄉土千年亦比隣願言培世德未敢厭維新

宋

送凌侍郎還知宣州

晏殊

日南藩郡古宣城碧落神仙擁使旌津吏戒舟東下穩縣僚  
負弩晝歸榮江山謝守高吟地風月朱公故里情曾預漢庭  
三獨坐府中誰敢伴飛觥

靈嶂樓

梅詢

謝公城上謝公樓百尺闌干挂斗牛碧瓦萬家烟樹密蒼崖  
一檻瀑泉流波光灩灩前溪滿剎影亭亭古寺幽此地近除  
新太守綠窗明月為君留

鍊丹井

仙人道未泯樓神在巖石酌彼山下泉窮年煉丹液洞陰春  
始綠苔發秋涸碧緇邈不可攀凭闌望鳧鳥

寧國府志

卷二十四

藝文志 詩上

三

陵陽山

葉清臣

青風抱幽林丹雲誇奇石巖泉夜逾響芳杜秋仍碧別鶴悲  
喬松游龍返真宅依稀城郭是緇邈仙風隔

安吳渡

搔首倦塵役前途隔大溪急流船上下亂石路高低灘灘迎  
風下猿條擇樹棲戴星行亦好惟恐雨妻妻

送左彥武歸鄉

魏杞

折桂歸來日西風萬里秋錦衣天上客紅葉渡頭舟把酒難  
為別題詩更欲留明朝山水隔何日是重遊

賽昭亭祠喜雨

梅堯臣

未生潭上雲空望山中雨湛湛陳桂樽坎坎奏鼙鼓蕭蕭靈  
風來躡躡祝祀舞莫言春作遲但念寒灘阻何當發泉源綠  
水浸沙渚不與農者期自將舟人語定作榜歌行暮投丹湖  
浦瞻祠草樹失認嶺烟霞吐半吞東南吳越帶西北楚川澤  
見坡陸龍蛇蹙鱗鱗人經典寤嘆事往成前古考碑何駭今  
塗馬立空廡余知骨相貧豈敢忘冥許願乘溪流深滄瀟隨

徹組

### 環波亭

冒暑駐輪轂徘徊北濠上棟宇起中央芙蓉生四向今吾太守樂慰此郡人望雨從昭亭來水入句溪漲蜻蜒立闌干朱鯉吹荷浪岸木影下布水鳥時引吭心靜不競物與適每傾釀薄暮詠醉歸陪車知幾兩

### 陪太守學士登疊嶂樓

高陵百可眺况復更層樓我我眾山翠活活寒溪流新篔未掃箨綠陰已脩脩曲道出林杪飛宇跨城頭春餘眾芳歇子結纍蔓抽庭空野鼠竄日冥啼禽留誰知郡府趣願有林壑幽伊我去間井爾來三十秋昔望白雲下今從輕軒游

### 次韻侯宣城疊嶂樓雙溪閣

作官如負擔一負當且弛不知息肩處妄問道遠邇我乘章江流却入宛溪水捨身陟崔嵬竹路極句已名都便欲過佳處賴公指仰攀疊嶂高府閣雙溪美不悞身乘空但覺風吹耳雲烟變遙壑歌吹聞近市倦游得清曠行役有斯喜公言

## 寧國府志

### 卷二十四

藝文志

詩上

二十七

頃榛穢斬伐從我始堰水種蒲蓮開門峙梅李擁木待成陰  
養花要食子遺風揖桓謝父老邀黃綺邦人魚依蒲食客莪  
在汕春陰迫寒食謂我姑且止嗟余去鄉國屢把刀環視感  
公鷓鷯脩憐我息鴨庫異邦逢故人寧復固辭理高談雲漢  
上爛醉笙歌裏落日盡公歡推挽未應起

### 和吳季野遊山門寺望文脊山

楚客好山不五月上高峯峯頂望文脊草樹皆有容身旣近  
猿鳥心欲追喬松石壁出雲背苔磴千里重下視靈靈飛忽  
起枯林韻却還僧居宿暮踐樵子蹤作詩留粉牆削藁為我封美璞世未識獨令和氏逢

### 答宣城張主簿遺鴉山茶次其韻

昔觀唐人詩茶詠鴉山嘉鴉脚茶子生遂同山名鴉重以初  
槍旗采之穿烟霞江南雖盛產處處無此茶纖嫩如雀舌煎  
烹比露芽說收青鷄焙不重漉酒紗顯清亦頗近蒙頂來以  
還雙井鷹掇爪建溪春剝葩日鑄弄香美天目猶稻蔗吳人  
與越人各各相鬪夸傳買費金帛愛貪無夷華甘苦不一致  
精靈還有差至珍非貴多為贈勿言些如何煩縣僚忽遺及

我家雪貯雙砂罌詩琢無玉瑕文字搜怪奇難於抱長蛇明  
味滿紙上刺畜不爲奢玩久手生胝窺久眠生花嘗聞茗消  
肉應亦可破痕飲殿氣覺清賞重歎復嗟歎  
既不足吟誦又豈加我今實強爲君莫笑我耶

### 九月十一日下昭亭舟中

平生山野性坐臥愛流水適從昭亭來與自明河起小舟泛  
輕槳身入星辰裏飲牛誰家郎照鬢誰家子隔岸心相望齋  
然洲鵲喜灘頭磷磷石欲贈畏  
捐毀畱取自支機成都無卜士

### 雪中廖宣城寄酒

輕舟泛泛昭亭灣春雪漫漫昭亭山寒沙曲渚杳不辨素鷗  
翔鷺空中遊宣城太守閑窮旅雙壺貯醞兵吏頒任從六花  
壅船戶滿酌春色生衰顏醒時但愛雲水好醉後  
等與天地閒世間醉樂各有分何必舞巖高鬢髮

### 玉山寺沃洲亭

前溪夾洲後溪瀾風吹細浪龍鱗活孤亭一入野氣深松上  
藤蘿離上葛葛花葛蔓無斷時文蘿莫剪連古枝當年吾叔

## 寧國府志

### 卷二十四

藝文志

詩上

三

讀書處夜夜  
濕螢來復去

### 和張澗遊山門

青山中文爲大門下通軌轍高莫論飛雲出納不計限雙峙  
平削無刀痕入門復見田園美田外峯巒迴抱尊棧靈畜性  
不可詰獲髓  
往往來守閭

### 送宣州簽判馬屯田兼寄知州邵司勳

寒溪拖翠碧玉帶蒼山晴臥蛻骨龍水透苦竹抽肥筍石上  
老藪拳紫茸泊船繫纜宿明鏡昭亭廟古攢瘦松陰風雨電  
潭心起雲遮北嶺如墨濃田秧浸綠白鷺立內史出喜嘉賓  
從昔時謝公來賽神蕭行作椒金作鍾聯詩姓名已失板  
蠹粉落蟲鳥蹤我鄉復傳  
召南化磨饒黑石君亦逢

### 十一月十二日賽昭亭神

冷雨凝雪未成雪潭空魚寒歸石穴長篙叩穴倩鯉魚寄信  
山頭來真諛魚傳水鳥飛上山山犬槎槎乾吹烟旋灰起角

巫鼓鳴漆組銅盤顛柱血狂邑嘈嘈神降言福汝所汝無灾  
孽西向咩飲東向運溪心却望山崔嵬

### 泊昭亭山下得亭字

雪中峯午午暈上樹亭亭久作大梁客貧而小阮醒難愁江  
朝溼呵信楚五靈日暮渡頭立山歌不可聽

### 送少卿知宣州

沐水清明下宣城太守行鴨頭吳蕩綠燕尾楚缸輕疾本三  
陽重詩從小謝清州民還最喜門下舊通名

### 昭亭與潯陽舍弟別

昭亭潭上水不與九江通去客解車暫落湖乘順風回頭迷  
遠樹沒背見飛鴻寂寞還窮巷相與宅在東

### 遊響山

久憶門前勝聊乘逸興遊寒篙進溪曲古木暗城頭鳥過空  
潭響船隨碧瀨流梅花三疊罷烟火起滄洲

### 送弟令南陵

## 寧國府志

## 卷二十四

### 藝文志 詩上

三

新買紫驢馬欲歸清弋江去從葉鶴獨來任鳥鳧雙落實收  
盈筐醪醖熟蒲葦弟兄相憶否風雨舊同恩

### 送達觀禪師曇隱歸隱靜

栗林霜下熟歸摘禦寒冬帶月涉溪水過山開寺鐘未嫌雲  
衲濕已喜野人逢且莫似杯渡滄波與去蹤

### 寄題南陵息亭菜閣

竹裏有清館池中多藕花日光穿岸脚水影射簷牙柱穴蜂  
歸窠爐檀火過窗已知民訟息流酒費巾紗

### 開元寺假山

石是青苔石山非杳靄山諸峯生鏡裏小嶺傍池間雨不因  
雲出門疑為客關何須費蠟屐暫到此中間

### 宛溪

宛水過城下滔滔北去斜遠船來橋蔭深涉上魚蝦驚美目  
綠葉垂香闌稻花發時風俗美芙蓉殺異鄉槎

### 嶧山項王廟

項羽路由此力聞能拔山八千提楚卒百二破秦關垓下圍  
歌合江頭匹馬還却思諸父老相見亦何顏

### 早春田行

風雪雙羊路梅花溪上村鳥呼知水暖雲濕巒山昏婦子來  
陂下蕞草置樹根予非陶靖節老去愛田園

### 宣州雜詩

昭亭萬仞山古跡半山間賽雨使君去釣潭漁父閒巖肥巖  
向日竹暗籠連關北望高樓上南飛鳥自還  
三洲灘口急兩水渡頭來下過桓彝宅上通嚴子臺潺湲瀉  
寒月是清照春梅白鷺驚飛處魚多見底迴  
每過響山碑常思路中丞開亭宴獅虎制賊象水蠅舊刻多  
磨滅今人少有碑苒苒春草長時有牧童登  
細雨春罔滑無因玩馬蹄裘單懷後侶風急過前溪近寺聞  
漁鼓穿林聽竹雞田家春正急炊飯待鋤犁  
諸葛久精妙已能開國都紫毫搜老兎蒼鼠拔長鬚露管何  
明淨煙丸事染濡班超投此去死作玉關夫  
高齋謝公沒此地即庾樓不改商中岫無停川上舟壁陰綠  
薛荔城頭嘯鶴鷗萬井曉煙合素電橫樹頭

## 寧國府志

### 卷二十四

藝文志 詩上 七

北岑多懷北庖羊舉王卮吾鄉雖處遠佳味頗相宜沙水馬  
蹄驚雪天半尾狸奇言京國下能有幾人知  
傳道零陵守法亭暫解裝分羣同雁鷺幾日湖濱相在竹思  
虞舜積萍憶楚王殷勤吏部句今亦誦無忘  
大寶木瓜熟學枝常畏風枯花先漏日噴露漸成紅青若包  
山舍馳心奉漢宮誰將衰節載辛苦向驢身  
高林似吳鴨滿樹羨湖鎮結十紫黃李炮仁豈翠味神農本  
草闕夏禹貢書無道應為高氣林素徧上都  
研漆高岸野千筒不一登野糧收橡子山屋點松明只見樹  
堪種曾無田可耕兒孫何所樂向此是不生  
五月黃梅肥中朝密雨微綠苔侵竹閣稻氣襲人衣背隴露  
半去幽蟲濕燕歸高山發瀑水夜漲人吾屏

### 東溪

行到東溪看水時坐臨孤嶼發船遲野鳥眠岸有閒意老樹  
着花無醜枝短蒲茸齊似剪平沙石淨於篩青雖不厭  
住不得薄暮  
歸來車馬疲

來上人歸宣城兼柬太守孫學士

李白不厭昭亭山看盡飛鳥雲獨閱我今相送一懷想想在  
謝公窗戶間

### 和張簿山門各韻詩

高巖日照雲常紫吹作蘭花透紋綺橫為步障看未收山雨  
一來風滿耳  
日影射空金縷直下映壁間梭未織野老先却雨又風明朝  
望此重雲黑  
洞門雖向扶桑開洞深不放陽鳥入古來道士今莫逢石壁  
乳流苔正濕  
流泉泱泱出洞底自有細浪非風吹山花逐水到山下涵洩  
人間昏未知  
誰將萬古倚雲劍刺破蒼石天窗開下貯泓淵不可極有時  
月滿清光來

### 題山門寄聖俞

張獻民

仄徑纔通文脊隈山腰大闕門崔嵬若非天地功破裂定是  
鬼神力鑿開混沌旁撐蒼壁立空空直貫清風來祇應使微  
仙源去願躡  
飛雲到玉臺

### 題山門各景寄聖俞

撇衣秉火捫石入路硬磽确黑如漆窮搜不見瞿矂生洞中  
依舊石藏室 朝陽洞  
洞流何處窟穴斷泉向洞中源源生潺潺萬古流不盡夜夜  
空照山月明 漣漪洞  
一竇險若到平處裂壁忽見天共明水深不敢投石響潭中  
惟恐神龍驚 碧雲洞  
朝見紫雲生 紫雲窟暮見紫雲歸最敢有時飛鸞舞上下料是  
仙人潛出入 紫雲巖  
屹崿欲到倚山脚涵雲洩雨摩半空向晚陡然射頽照壘石  
爛爛參差紅 夕陽巖

### 送宣州杜都官

曾鞏

夜聞陵陽峰上雨曉見宛溪春水平畫船不待雙樽挾歸客  
喜成千里行牧之文采宜未泯夫子風流今有聲篇什高吟  
鳳凰下翰墨醉酒烟雲生撥置簿書有餘力放意樽罍無俗  
情志義非徒勸風俗愷悌固可交神明餘休比戶得涵泳  
訟累歲皆澄清荐章交論付丞相士行如此宜名卿江湖一  
見十年舊談笑相逢肝膽傾鷓鴣一枝聊自得去矣黃鵠高

飛鳴

水西

曾紆

杖藜出郭一水近石磴古路穿松筠萬仞絕壁倚天末百折  
驚灘當寺門泉聲飛下錦繡谷殿影挿入玻璃盆宜州水西  
天下勝園州城南何足云

寧川道中

渡水川橋一徑斜涼收溪足露汀沙半川雲影前山雨十里  
香風晚稻花異縣悲秋多客思豐年樂事屬田家故園正好  
不歸去滿眼西風吹鬢華

遊山門寺望文脊山

吳季野

宣城百山間文脊尤奇峯拔出飛鳥上畫圖難為容聞昔有  
幽人閉蘿迨赤松遺形此古室孤坐鹿裘重人去邈不返洞  
壑空藏龍側行蒼崖煙俯仰求靈蹤遊者如可得甘藥萬戶封安能久塵土傾倒相迎逢

寧國府志

卷二十四

藝文志

詩上

三

按此詩載王荆公集中而厲太鴻宋詩記事即引府志屬  
之季野不知孰誤

聖俞惠宜州筆戲書

歐陽脩

聖俞宣城人能使紫毫筆宣人諸葛高世業守不失緊心縛  
長毫三副頗精密硬軟適人手百管不差一京師諸筆工牌  
榜自稱述纍纍相國東比若衣縫或柔多虛尖或硬不可  
屈但能裝管榻有表曾無實價高仍費錢用不過數日豈如  
宣城毫耐久仍可乞

乞藥有感呈梅聖俞

宜州紫沙合圓若截郢筒偶得今十載走宦南北東持之聖  
俞宅乞藥戒羸僮聖俞見之喜遽以手磨藥謂此吾家物問  
誰持贈公因嗟與君交事事無不同憶昔初識面青衫遊洛  
中高標不可揖杳若雲間鴻不獨體輕健目明仍耳聰爾來  
三十年多難百憂攻君晚得奇藥靈根斲離官其狀若狗跡  
其香比芍藥愛君方食貧面色悅以豐不譚乞餘劑庶幾助



衰癯不時一笑歡飲酒各爭雄向老百病出區區論藥  
功盛衰物常理循環勢無窮寄語少年兒慎勿笑兩翁

### 挽梅聖俞

昔逢詩老伊水頭青衫白馬渡伊流離聲入節響石樓坐中  
辭氣凌清秋一飲百棧不言休酒酣思逸語更邁河南丞相  
稱賢侯後車日載杖與鄒我年最少力方優明珠白壁相報  
投詩成希深擁鼻謳師魯捲舌藏艾矛三十年間如轉眸屈  
指十九歸山邱周零所餘身百憂晚登玉墀侍珠旒詩老壘  
鹽太學愁乖離會合謂無由此會天幸非人謀領鬚已白齒  
根浮子年加我貌則不歡猶可強開屢偷不覺歲月成淹留  
文章落筆動九州釜餼過午無饋餉良時易失不早收篋積  
瓦礫遺珠璆薦賢轉石古所尤此事有職非吾羞命也難知  
理莫求名聲赫赫掩諸幽翩然素旆歸一舟送子有淚流如  
溝

### 哭梅聖俞

王安石

詩行於世先春秋國風變衰始栢舟文辭感激多所憂律呂  
尚可諧鳴球先王澤竭士已偷紛紛作者始可羞其聲與節

## 寧國府志

### 卷二十四

藝文志 詩上

三

急以浮真人當天施再流篤生梅公應時求頌歌文武功業  
優經奇緯麗散九州衆皆少銳老則不公獨辛苦不能休借  
無采者人名道貴人憐公青兩眸吹噓可使高岑樓坐合隱  
約不見收空能乞錢助饋餉疑此有物司諸幽棲棲孔孟葬  
魯鄒後始卓犖賦伊周聖賢與命相楮矛勢欲強達誠無由  
詩人況又多窮愁李杜亦不為公侯公窺窮阨以身投坎壈  
坐老當誰尤吁嗟豈即非善謀虎豹雖死皮終留飄然載喪  
下陰溝粉書幅軸懸無旒高堂萬里哀白頭東望使我商聲  
謳

### 劉遺民釣臺

蔣之奇

最愛先生臥白雲一竿來此釣紅鱗我今不學磻溪叟待作  
宗雷社裏人

### 水西示劉尉

役役塵埃倦格情偶逢佳處得閒行憑君為把如椽筆便向  
蒼崖記姓名

### 涇溪

蕩漾輕沙深淺間羣山迴抱翠連環扁舟便欲乘流去直下  
三門六刺灘

石壁 并序

胡 瑗

余嘗覽李翰林題涇川汪倫別業二章其詞俊逸欲屬和  
之今十月自新安歷旌德而僊尉曾公望同遊石壁蓋勝  
境也奇峯對聳清溪中流路出半峯佳秀可愛地距新建  
汪公所居不遠掩映溪岫率類於此且欲過訪迫暮不獲  
因思旌川卽涇川接境也而幽勝過之汪公亦倫之別派  
也而儒雅勝之豈可使諷詠不及於古乎輒成一首題於  
汪公屋壁雖不及藻飾佳境比肩英流庶俾謫仙之詩不  
獨專美

獨專美

寧國府志

卷二十四

藝文志 詩上

三

李白好溪山浩蕩旌川遊題詩汪氏壁聲動桃花州英辭逸  
無繼爾來三百秋汪公益蕃衍宗枝冠南州其間新建居林  
泉最清幽竹聲滿道院山光入書樓我來至石壁賞之不能  
休酣味碧溪水若飲黃金甌因羨汪君居復思汪君投遇景  
清興發浩與天雲浮斐章異繡段灑  
翰非銀鈞庶與謫仙詩千古同風流

送舅氏野夫之宣城二首 李莘

黃廷堅

籍甚宣城郡風流數貢毛霜林收鴨脚春晚薦梨高共理須  
良守今年轍省曹平生割雞手聊試發矟刀  
試說宣城郡停杯且細聽晚樓明宛水春騎簇昭亭祀稷豐  
庠戶桁楊臥訟庭謝公歌舞處時對換鵝經

謝送宣城筆

宣城變樣蹲 作雞距諸葛名家埒風鬣一東喜從公處得  
千金求買市中無漫投墨客摹科斗勝與朱門飽蠹魚愧我  
初非草元手不  
將閒寫吏文書

題宣城郡樓

林 希

虎邱換得敬亭山，句水松林數舍間。天下難如兩州好，君恩乞與一身閒。

### 赴宣城吳興道中

張耒

秋野連雲靜，三吳種熟時。風江客帆疾，晴野雁行遲。草木霜天曉，山川澤國悲。宣城不負汝，好繼謝公詩。

### 白羊道中

日出客心喜，路平人足輕。風高不成冷，雨過有餘清。水落溪魚出，村深田鶴鳴。勝遊須秀句，多愧謝宣城。

### 宣州後堂

雨過山亭暑氣微，老人猶未試生衣。滿園閒綠無人到，盡日南風燕子飛。

### 送思齋上人之宣城

林逋

林嶺靄春暉，程程入翠微。泉聲落坐石，花氣上行衣。詩正情懷淡，禪高語論稀。蕭閒水西寺，駐錫莫忘歸。

### 岳山

林淳

## 寧國府志

### 卷二十四

藝文志 詩上

三五

昔來因禱雨，祝早却重遊。洞裏龍何在，山前水自流。黃楊厄閏歲，白菊殿殘秋。正好看雲起，珠簾莫下鉤。

### 棊溪

湛湛長溪水，飛橋遠近通。客喧墟市合，仙去釣臺空。欲辨磨崖字，忽聞遵渚鴻。僧無贊公趣，誰與論巖中。

### 清心堂

好山佳水照晴檐，時鼓瑤棊誦雅南。吏散庭空無箇事，一輪明月印空潭。

### 棊溪

李定

芳草茸茸襯馬蹄，兩陪憲節過棊溪。東風又屬梨花月，膏雨新調燕子泥。郵舍亭空蒼蘚合，釣臺人去暮雲棲。此行不憚馳驅遠千里，江山入品題。

### 東峯亭

劉琦

凱還幾度宴東峯，新構危樓接梵宮。勢入青冥橫絕壁，路盤空曲壓高松。臨流自笑功名薄，對酒欣逢景色重。飄泊却慚

歸未得日斜  
坐聽白雲鐘

### 石壁道中

陳天麟

雲中疊疊石齒齒山色溪聲三十里  
霜餘木葉半丹青道上松風雜宮徵  
捨車而徒度險難邇來研足愁躋攀  
官閒無祿與王事不妨拄杖對潺湲

### 旌陽道中

山邑無郵傳農夫半甲兵石樓橫斷岸  
草徑入荒城聞道甘泉駕將臨細柳營  
風塵何日靜畱眼看昇平

### 後林寺

涼颼發遠輒殘暑促歸輪山色不厭客  
蟬聲強聒人功名塵外累身世醉中真  
更上高樓望何峯可卜鄰

### 深塢寺

古寺深深隱籃輿得得來三休登隴首  
百轉入巖隈喬木千章老鳴泉萬古良  
無人同此趣獨爲少徘徊

## 寧國府志

### 卷二十四

藝文志 詩上

三六

### 福田寺

遠市前朝寺何年古佛廬上方分勝業  
小築寄幽居坡隴青相接川原綠自如  
欬眠聽秋雨懷抱稍虛徐

### 茅殿寺

伊昔高人隱誅茅此殿陰丹青妙輪奐  
香火闕幽深朝市有遷換溪山無古今  
蕭齋午睡覺欬枕一長吟

### 秋霜閣

登臺坐想遺民釣入寺行歌李白詩  
竹榻蒲團僧定早青鞵布鞵我歸遲  
雲邊掃石畱題處月下憑闌把酒時  
百尺蒼松唐舊物問渠嘗閱幾興衰

### 勝因寺

山行訪曲到禪林臺殿丹青歲月深  
薄晚春寒生几席逼人空翠撲衣襟  
客塵冉冉凌清思俗狀紛紛費苦吟  
若得一邱容我老便攜藜杖事幽尋

風玉亭

夜闌驀覺此君語晨起急登風玉亭一笑相逢珍重別不隨人改舊時青

入石壁

周紫芝

兩峯夾天高一水遶山麓鳥道盤山腰下臨千仞谷俯視寸心草千章羅巨木道險當捨車重册摩兩足不知誰鑿虛穿穴入山腹平生蜀道難耳目聞見熟茲山亦尤物初未掛史牘了知天宇間萬險自重複窮人重錮銖妄冒取危辱歲宴雪霜多歸途戒當速

出石壁

倚空出巖巖平地石齟齬修塗縹危磴十里無寸土山高不見日霧重自成雨入壁始天明出壁日過午青蒼斷崖谷開豁見天宇稻田碁局方梯山種禾黍道旁三兩家稍稍聞笑語始知在人寰邂逅得徒旅倦僕飢欲啼遊子歡自許攜琴老一屨白髮無處所何當把春犁望月耕隴畝閉門了殘年危發不復取

寧國府志

卷二十四

藝文志 詩上

三

憇高公惠連墓下有感

高公古遺直三載立螭頭載筆有公言高論肅冕旒少年取巍科妙學通九流晚窺青囊書穴地生公侯當時千載人繼出歐與劉如何百年後零落歸山邱墓門變荒棘長江泣高秋佳城定天與政自非人謀

謝元不伐寄靈巖用梅聖俞韻

靈巖勝絕天下稀開鑿乃自太古出山川初豈有顯晦勝處要須詩翻黻自從荷老登列仙尤物誰憐久埋沒具茨筆力扛九鼎坐遣清詩入山骨據龜食蛤誰與遊絳節雲車到仙窟雲中招手疑有無月中吹簫真髣髴飛雲杳靄風吹香翠澗空濛雨垂濕誰從洞口看金書想對神清時獨立我家不遠巖山脚底識面何由恍如失雖無幽夢到三山尚有明珠容

什

宿秋霜閣後方丈

秋霜落後題詩處醉墨淋漓苦未乾不易窮愁孟東野亂峯空鎖一溪烟

和李太白水西詩韻

釋守訥

涇水秋更清，清波照城郭。謂言尋勝遊，步躡秋霜閣。詩人昔  
仙遊江左，苦飄泊。壯志負青雲，浩氣橫碧落。飄忽矣，不可追。若  
封辨道作支廊，極簡淨。開軒俯層巖，層巖一百尺。梨若積鐵  
堅，古木上雲雨。美蔭長，新鮮冷。冷迎風，竹瑟瑟。鳴石泉，寒聲  
落。几窗如聽朱絲絃，真成一段奇。不減壺中天，人間五六月。  
暑氣方煩煎，請收紅塵脚。登此清冷軒。

寒亭

范成大

溝塍與澗合，隴畝抱山轉。向來六月旱，此地免焦卷。早穗已  
垂垂，晚苗猶剪剪。一川豐年意，比屋聞鷄犬。老農霜鬢髮，嬰  
鏤黃犢健。自云足踏地，常賦何能免。刈熟倩人輸，不識長官  
面。康年無復事，但恐社酒淺。我亦有二頃，收拾尚可繭。懷哉  
笠澤路，歸  
鑿犁頭蘇

青弋江

微生本漁樵，長日渺江海。叩舷濯滄浪，尚說天宇隘。竭來車  
馬路，悒悒佳思敗。黃塵撲眉鬚，驅逐似債債。羸蹙繫偏仄，狂

寧國府志

卷二十四

藝文志 詩上

三五

犬吠荒怪鄉，心入旅夢一。葉舞彭湃晨，興過墟市喜。有魚蝦  
賣眼明，見清江。積雨助橫潰，襄袞換扁舟。鯢虺不勝載，不辭  
野渡險，弄  
水聊一快

曉自銀林至東瀾登舟寄宣城親戚

曉山障望眼，脉脉紫翠橫。澄江已不見，况乃江上城。結束治  
野裝，木末浮三星。羸馬隴頭嘶，小車谷中鳴。亭亭東壩樹，練  
練綠浦明。篙師笑迎我，新漲沒蘋汀。徑投一葉去，雲水相與  
平。聊將塵土面，照此玻璃清。懷我二三友，高堂晨欲興。風細  
桐葉墮，露濃荷蓋傾。疑  
香繞燕几，安知路傍情

復自姑蘇過宛陵至鄧步出陸

漿家饋食，糧爲藩。酒市停驂，竹廡門紅。樹亭亭，樓晚照黃茅。  
杳杳被高原，飲溪有迹。於菟過掠草如飛，扑提翻車軌如溝。  
平地少飽帆  
天鏡憶江村

自寧國溪行至宣城舟人云凡百八十灘

波驚石險夜喧雷晚泊旗亭笑眼開休問行人緣底瘦適從百八十灘來

劉慶充自黃山歸索其道中詩書一夕問之

鳴騶如電馬如雷知是婆婆醉尉回常日錦囊猶有句況從三十六峯來

宣歙道中

楊萬里

天齊玉立萬孱顏三日深行紫翠間便是昨來千佛閣望中見此兩州山詩家寒刮少陵骨宮樣高梳西子鬢祗好遙看莫登覽今晨登處鬢都斑

遊橫山寄胡樞密

孫覲

波間指點見青紅雪脊峻岫倚半空幻出生絹三百幅遊人渾在畫圖中

望文脊懷瞿硎先生

姚闢

丈脊山中姓已逃江城爭羨少微高應知司馬來窺鼎便學秦人去種桃海上音書斷鴻雁洞中吟嘯伴猿猱鹿裘誰識

寧國府志

卷二十四

藝文志

詩上

三五

先生志却把虛詞倚伏滔

漣漪洞

石門高險勢摩天洞底清冷獨碧漣蘋藻魚遊知暮雨薜蘿人去鎖寒烟山櫻已熟垂朱實巖竹新抽露玉鞭只恐遊人歸馬急野僧何惜白雲眠

山門

郭奎

黃茅蓋屋石為門路轉溪迴更有村果樹連園收芋栗豆花滿地散雞豚雲深易就漁樵隱山遠全忘市井喧何處武陵堪避世此中住處亦難言

寧川道中

汪夢斗

緩兀吟鞍去鞭長袖裏垂烟分村遠近水見地高卑風緊鳥飛疾川寒魚上遲擁爐坐處雪久已散歸期

過槩溪

石臺突兀倚晴空一帶春江照玉虹千古佳名喚行客騎魚何處訪梁公

### 旌德道中

天氣纔晴便不同輕輕拂面有和風溪邊春事關心處楊柳深青杏淺紅

### 旌德道中呈李彥恢彭元任

呂居仁

水西投宿近秋霜起聽晨鐘厭束裝尚惜故人新作別亂山深處過重陽

### 題豐溪清風臺

呂鏗

瘦竹長松萬仞山白雲深處小禪關忘機人到忘機處一縷春風盡日間

### 鳧山廟

練誌

仙人丹成去不返至今廟貌留名山嗟予俯仰隨羈鎖塵土驅馳止汗顏

雲煙深處路縈紆元是真人舊隱居我亦放情邱壑久官閒時得命監輿

## 寧國府志

### 卷二十四

藝文志 詩上

四十一

### 秋霜閣吟

李中丞

鑿石開雙扇橫崖架虛閣清風天外來瀟灑動簷鐸因吟謫仙詩謂言秋霜落登臨正炎燭還憶貂裘着就磻引清泉酌之勝香醪洞猿相徘徊崑鳥相呼諾眼界絕氛埃世味久淡薄寄跡在簪紱矢心已林壑却笑山中人不知山中樂

### 題景呂堂

霍權

佞人巧求售富貴一息頃千古名不磨寸心猶耿耿偉哉正惠孫疾惡何勇猛平生愿宦途南臺與東省初着獬豸冠排擊首權倖奸雄始無孽忠憤已骨鯁一片忠義心噉噉從簿領涵養老益壯大節兼晚景若人久云亡冰魂嗟已冷羨慕徒馳神反身盍三省

### 題姚司戶萬翠亭

崔起之

名山繞旌川未易千百計樓真聳其西二幕青扞蔽柳山與龍山連亘殆無際大鼉從東出石鼓相軒輊容接雞形蔓衍若難制維南有梓山盤屹萬里勢有殿曰甘露岡嶧插天地玉壺枕其北鳧山復相比礮嶺介鳳凰大洞闡天秘姚君



天嶺奇氣慨高一世胸中抱邱壑作亭非壯麗獨能極遐觀  
嶺畧萬山翠蒼玉無遺形秀色歸一視却笑昔人非所見殊  
無異東亭亂清輝僅得翠微意東山羅紅裙未免聲色  
累惟君別幽趣徜徉樂清致青山不改舊對客時一醉

### 宿三溪

汪藻

驛荒言半侵村迥鵲孤立西風舉衰柳山雨寒更急經行屢  
回首歲事忽將及空餘候蟲號未受霜氣壑松膏取鄰火對  
燒客衣濕試起望  
諸峯天涯夕陽入

### 鳧山廟

汪襄

籃輿陟重岡靈壑極深淵峻嶒勢居尊俯視衆山小樓閣何  
崢嶸松檜各環繞云古有真人結茅避紛擾丹成獨仙去霞  
袂輕縹緲至今存廟貌香火自昏曉土民夙信嚮水旱必祈  
禱圖經偶遺逸終始竟莫考宣和辛丑春強寇干天討旌旗  
蔽空來縱火欲一燎神仙殿衛護殿宇卒完保豺狼隨殄滅  
父老驚絕倒酌酒謝神貺鼓吹繞樹杪我來罄精誠瑤塔瞻  
睥表聊記靈異  
迹壁間一揮掃

## 寧國府志

### 卷二十四

藝文志 詩上

四二

### 鳧山廟

李宏

顯道廟蓋晉之隱者不顯其姓後世無考時賢子明罷令  
煉丹陵陽峯與之邂逅遂相與友往來麻川之望僊絃歌  
徽水之樓真高嶺皆有蹟焉廟存古碑具載其事雖剝裂  
尚可讀政和間賜額鄉人因大其祠以歆朝罷荅神貺今  
碑已徙置樓基下里有表氏者年八十餘尚能言之乃悉  
如前所說子懼後人無所考徵輒成長句以記其實庶幾  
傳信矣

鳧山高與蒼旻齊根盤百里雄坤輿油然出雲爲風雨澤周  
一境無凶饑重樓複殿據山腹蜿蜒擬攬護神之祠威靈如在  
駭聞聽至今父老能言之斷碑刻扶尙可讀湮埋歲久人孰  
知高高一峯獨秀出上有蟬蛻真仙居仙聞嘗任石埭尹化

流德洽真民師持竿戲投白龍餌隱霧深緇元豹姿手披葢  
笈校丹篆足躡飛昇騰紫微相逢邂逅一笑粲真將莫逆論  
心期從茲來往因無間道蹤所至猶可推絃歌標鄉里猶在  
望仙記地名獨垂樓真奇偉曾稅駕絕頂尚留丹竈基近郊  
管井數盈九石鑿堅深端可窺神既廟食還舊隱仙亦偶坐  
應壽祈合堂荐享異肴蔽乞靈修敬傾里閭政和天子謹祠  
祭郡縣有請成勿違一朝飛章達旒宸往往乙夜曾躬披俞  
者載錫降芝簡寵賁徽名昭典彛神兮倦兮服君賜福庇斯  
民無已將倦將出遊神速往霓旌絳節相追隨神既來歸仙  
至止袞衣羽帔瞻光儀繫子頂謁亦云屢淋漓醉墨聊一揮  
詞雖蕪穎事據實  
庶幾傳信社羣疑

宴北樓次韻

林宗放

浮空紫翠撲層臺謝守吟窗一夜開雲影四垂高捲幔溪痕  
渾落淺膠杯紅蓮綠水嘉簪盍白鳥孤雲入句來緩放笙歌  
下樓去涼州  
重聽徹崔嵬

和府判給事登墨嶂樓喜雨韻

藝文志 詩上

望三

寧國府志

卷二十四

風流不獨占才名水鏡冰壺表裏清千里溪山娛暇日一天  
風雨送秋聲飽聆玉屑霏談塵燦觀驅珠出管城臥轡遮雷  
能幾日捲簾  
煙景若爲情

陪郡守遊西園

劍影扶闌印碧溪玻璃盤上玉東西落紅那得愁如海舉白  
難逃醉似泥郎宿高明香霧起客星華耀燭花低波心夜半  
魚龍舞都轉  
天風入鼓聲

登南城

江城一眺思悠悠平楚蒼然野水流衰草寒烟梅老墓敗垣  
斜日謝公樓江山有恨英雄老天地無私草木秋萬古興亡  
俱是夢丈夫  
何日爲身謀

題墨嶂樓

程 昭

萬里天光入茗甌半窗雲氣撲簾鉤奚奴解指唐朝寺歸燕  
猶知謝氏樓邨市酒旗搖竹徑野川漁艇逆溪流讀書人已

成陳迹有客  
重登未白頭

過千秋嶺

俞 儔

輕陰漠漠雨班班  
嶺上風來一解顏  
已是去天纔尺五  
却令緩步有躋攀  
飛泉百道紫羅帶  
列岫千峯擁翠鬟  
應是北堂春正滿  
幾迴回首望家山

和耕綠亭

花村犬吠可能無  
但使三農力有餘  
千畝秋成雲漠漠  
一犁春事雨疎疎  
踈登臺想見民同樂  
上考何妨亦自書  
祗恐雙鳧便飛起  
愛閒寧許伴春鋤

和趙守獨遊水西寺

程炎子

吟月歌風酒力微  
獨尋幽壑叩禪扉  
泊堤小艇迎人渡  
入水閒雲伴鶴飛  
梅落半含冰雪思  
石寒長覆薜蘿衣  
水西景物還如舊  
恨不相從倒載歸

寧國府志

卷二十四

藝文志 詩上

聖

寺閣

汪士深

寺古陵陽第一峯  
寶扉珠樹碧玲瓏  
鶴巢霄漢浮圖頂  
僧舍煙霞丈室中  
高閣鐘聲聞遠近  
上方燈影徹西東  
一從杜牧題詩後  
翰墨誰能繼古風

元妙觀

海上飛來一片雲  
此中應有釣鰲人  
洞簫吹月蓬萊曉  
瑞簡承恩魏闕春  
千古煙霞開秀色  
半空樓閣絕飛塵  
何時重訪仙壇鶴  
玉樹桃花幾度新

夕陽巖

章 夏

暖憑磴蘚坐蔭覓  
崖松倚一詣雲屋  
深猿鶴頗相喜  
雙鬢白紛紛謂我作黃綺

漣漪洞

石竇定神劍  
控隘潭水際  
神靈浮槎入  
想到珠宮憩  
豈似武陵源  
尚容人避世

碧雲洞

褰裳踏寒流路險仰復僂崖根乳積雪石脈泉流雨融結知何年人間閱今古

書靈巖壁

文子平

凌晨策羸騶尋山結遊侶路行幾舍餘穿林傍溪澗秋風吹黑雲為我閣飛雨石門殊怪奇嵌空滴泉乳尚記唐人名鑿崖字仍古來遊共嘆羨煩喧豁襟臆咫尺見支脊煙嵐隔重塢瞿矧昔巖居菴廬今在否可望不可到心思插雙羽疑然但行雷遲遲默無語

山門靈巖

元勛

諸山深窟宅石門限塵寰空洞初不碍風扉敞雲關高廣幾何許百夫可迴環誰托遺蹟在俱濛煙霧間羽駕此往來朝貢想清班西風翠屏近藤蘿莫容攀因循再閱歲遲見亦以觀忻茲因殊特獨冠江南山少陵惜未到我語憑誰刪

前題

余良肱

寧國府志

卷二十四

藝文志 詩上

四

畫舸夷猶紫翠間暮雲如掃月如環三門六刺須臾過恰似嚴陵七里灘

前題

元積中

一棹雍容數里間千巖萬壑翠迴環轉頭惟恐好山盡不放輕舟便下灘

釣臺

石磴溪頭痴虎踞風吹水面老龍鱗至今不卜先生意多少溪邊擲釣人

桃花潭

徐璠

紅英狼籍掃無舟仙客當年到此遊今日踏歌人不見碧波無語自東流

東峯亭

陳毅夫

虎踞龍盤巖巖嶂開東亭新構鎮崔嵬赤堊波賊人何在烏府乘驄客再來霽色先從雲檻曉秋聲尚覺露蟬哀百年興廢將誰問惟有殘碑在草萊

前題

臧詵

水西庭榭枕東峯終日秋陰一徑松月到灘心來白鷺雲浮潭面起蒼龍最宜翠飲前山雨長是聲聞近寺鐘報捷功名今共閱時攜樽酒訪遺蹤

憶山門寺

蔡揚

紫府行可到清溪深不通何當控雙鯉真入水仙宮

歸途過麻姑山

戴昂

山行十里少人家客子貪程怕日斜倦坐松根需足力輕風滿面落藤花

五松山太白祠堂

蟻舟來訪寶雲寺快上山頭尋五松捉月仙人呼不醒一間老屋戰西風

過震山別文孟淵父子

文天祥

寧國府志

卷二十四

藝文志 詩上

望

我為宜郡守秋暮臨涇邑白髮二疏翁坐語共夙夕千里雁書杳一宗魚契合震山開學譜丹竈憶仙跡友愛情思久俄忽杯酒別黃菊落殘英露滴根頭濕

梅都官墓

滄滄宛水陽鬱鬱都官墳喬松拱道周綠瑩茁茁芳蓀古時北邙歎白楊逸游魂大雅獨不墜修名照乾坤再拜墳上土躑履揖諸孫握手慄以慨而有典型存渥洼生騏驎荆山產璵璠悠悠清涓流春言保其源

壘嶂樓

初日照高樓輕煙在疎樹峨峨遠岫出泯泯清江去檐隙委殘籬屋宇連宿莽葑蕀共低昂熹微分散聚城郭諒非昔山川儼如故童鬢已零落殊顏慰遲莫沈沈澹忘歸欲歸重回顧

題推官廳覽翠亭并序

前推幕李君作亭梅聖俞名以覽翠為之記今二百餘年

碑沒久矣天台陳君克實來發而得之復表之亭上余志以詩

都官自楚產文采光陸離當年從事君如與山川期歲月忽已適天球落塵土豈曰無嘉賓過者爲我顧誰令赤城子發坎出方現靈物必復見其見乃以人回顧城南端飛臺俯蒼林流時豈云變物理有屈伸寥寥南樓月至今有遜音千年一邂逅共調風中葉亦欲結方軌擊莖事幽尋行行且言邁脚躑思何深

勸農歌 有引

太守到郡踰月被命造朝辭免不允且旦夕去矣猶以職事得出郊與爾農父老告語一次記李莊簡公會守此土後有一帖云僕頃守宣城今已二十八年東望雙溪壘嶂之勝感嘆而已因見諸父老爲祝率勸子弟爲士爲農仰

寧國府志

卷二十四

藝文志 詩上

吳

事府育爲忠爲孝戮力以事田疇先時而畢租稅立身揚名以顯父母是所望也李莊簡去任已久尙拳拳宜人如此今太守與爾父老方此相處遽然去之其拳拳又可知因取莊簡公意衍爲勸農五詩以寓戒酌酒與爾父老誦之爾父老其轉語鄉曲子弟能從吾戒而不爲惡卽能從吾勸而爲善他日太守在他所遇宜人必問曰爾父老安否爾農曾從吾勸戒否爾等尙勉旃以副太守去後之思

第一勸爾勤耕作布種及時休落魄惟有鋤頭不負人飽食暖衣多快樂

第二勸爾行孝弟敬重爹娘比天地前人做樣後人看滴滴相承管漚水

第三勸爾勤教子有子讀書家道起若還飽暖不知書千萬莊田不禁使

第四勸爾常脩善糶米救荒極方便但從心上做陰功管取兒孫多貴顯

第五勸爾了王租莫教人喚作頑都年年早納早收鈔那有公差來叫呼

第一戒爾莫謊狀須知官府難欺誑從來反坐有專條重者流徙輕者杖

第二戒爾莫避役既有田園那避得今朝經漕明朝倉到底費錢有何益

第三戒爾莫拒追擔刀使捧欲何為有事到官猶可說殺身償命悔時遲

第四戒爾莫無賴故殺子孫罪名大縱逃人禍有天刑害人不得反自害

第五戒爾莫奪路做賊不休終敗露斬絞徒流此中來能得幾錢受此苦

登雙溪閣 閣在府治後

碧落神仙宅當年小謝來烟雲連草樹山水近樓臺萬雉銀缸舉千鴉鐵騎回梅花衣上月把玩為徘徊

宣州罷任再贈桂巖楊相士

寧國府志

卷二十四

藝文志 詩上

七

貧賤原無富貴思泥塗滑滑總危機世無徐庶不如臥見到淵明便合歸流落丹心天未肯崢嶸青眼古來稀西風為語巖前桂若更多言却又非

元

麻姑觀

郝經

路入雲關寂不譁石田瑶草帶煙霞貯經洞古無遺蹟養藥爐存失舊砂青鳥若傳金母信紫鸞應返玉皇家巖扉不掩春常在開遍碧桃千樹花

按郝信使被繫儀徵困同雪窖追元師南下即禮送北行轍迹所經何由至宛且查其祖天挺亦有是作其非宣城之詩可知也舊志所載姑仍之

過後潭

吳琳

野店沽新酒蘋香薦廟靈一篙春水綠兩岸晚山青繫馬人呼渡窺魚鷺立汀同行二三子爾我喜忘形

題土山寺二首

張浚明

出城十里巖塵遠此地登臨是勝遊山勢西來分鳳爪溪流南下繞龍頭瞿曇殿聳仍孤刹丞相祠荒但古邛獨倚闌干人不會霜風落葉正蕭颯

平瞻蒼翠倚潺湲詩景分明指顧閒地接郊垆換今古秀鍾人物在湖山春風跨馬銀鞍穩夜月騎牛鐵笛閒從昔陵陽多俊傑要知天運本循環

和南漪居士湖亭晚望韻

潘登雲

湖亭東望水連空遠岸斜陽繫釣篷快雨忽開千嶂碧落霞猶帶一痕紅魚蝦換酒沙邊市鷗鳥忘情堤上翁興在江湖真不淺壯心未肯老西風

送李有成歸敬亭

施桐

君家騎鯨仙山色看未了雲仍此焉集烟霞恣幽討

寧國府志

卷二十四

藝文志

詩上

哭

題瞿硎室

梅機

昔聞瞿硎仙披裘坐深谷賈來桓大夫逡巡不敢入易代人已徂高風猶在目一為弔巖阿白雲滿山麓

同諸兄弟遊栢楓溪上  
偶從溪上飲開樽臨好月泉聲風樹亂空林露言發闕閉落小渚悠悠宛自悅所得良不費聽眺總無感以此翺遠心兼之清興越提壺酒漸罄斟酌起難竭願言常共此銜觴臥醉石

萬松菴

虞集

宣城山水窟蔽虧東西日敬亭最清麗遙岑出寸碧雖微靈運遊曾着謝公屐其東維麻姑石色積鐵立雄勢踞磅礴佳氣蟠葱鬱磴磴蘇未易攀梯殿何由及雜犬仙源深蚌螺滌海濕斧柯石上遺樵擔雲中逸鬣鬣香上問徒仙橋出丹竈拾精梁剝雨浸元壁披奇厯險阻千百纔存十銅坑為難窺石砦危可陟吸泉出平池掉石連青壁蒼木產異馨香藟蓄



靈液翠葆既掩再丹粧亦蒙密紅蘭間蓬藿叢桂雜榛核無  
復脯麟宴空餘鳥息迹瑤草紺室生玉樹珠庭植靈光悵莫  
道秀氣猶可挹樓飛齊雲翬序聳天遊翼神秀鍾造化結構  
成道力萬松乃後出路自中峯入仙釋俱幻靡齊楚胥得失  
山中三十年茲理究平昔年來客南湖佳處久未卽擬參照  
空禪重詣源公席同遊得名勝樂飲旣怡懌蹇騎後清晨回  
車告  
將夕

宣城南郊何氏遊集

盧 肇

懷痾苦無棕撫節驚歲暮淹留屬休告寧復嬰物務幽人個  
相賞蕭散隨所遇寒郊聯騎出崇崗時延芳山家如可卽雞  
犬隔煙霧舉鞭問樵丁始識山下路亭榭欵軒敞巖壑鬱盤  
互主人能愛客何必論雅素濁膠散襟顏池鮮足供具雖非  
窮勝踐政自得野趣日夕歸影亂嵐  
曳褱衣裊鳴騶愜毋前悠然望江樹

嘉平十日訪文伯純遂借施克剛胡明初遊眺鰲峯道院飲  
事鍊師方丈王敬叔繼至分韻得山字

寧國府志

卷二十四

藝文志 詩上

四九

寒余抱私成無以浣苦顏解組訪詩客息駕依松關羽流所  
棲處稍出閭閻間丈室俯寒英芳氣雲窓間烟岫列遠郊石  
瀨鳴清灣覽物得深趣觴酌聊循環麻姑逝已人梨高杳  
難攀超遙世氛遠髮髯仙遊還卽此悟中素何必躋蓬山

旌德縣李氏別業

山靈滿意欲畱客玉作鳴泉松作石半空亭榭爲余開一日  
雲煙盡相織南風挾秋吹畫欄六月小山生暮寒野夫生平  
解高臥問君  
試借青琅玕

題太白墓

大雅清風久不聞一杯聊爲洗荒墳朱絰三嘆無今古說與  
江東日暮雲

梅都官宅

一上高齋憶謝公雲間江柳有無中詩家政有都官宅腸斷  
荒山落葉風

題從兄希深書堂

汪 珍

衡簷睥睨壓疏櫺平割黃山一半青落日捲雲隨鷓鴣及黑風  
吹雨帶龍腥人間軒冕駒間皂身外乾坤水載萍我政江湖  
子林壑客星未減少微星

### 陵陽歌

陵陽城頭落日黃陵陽城下水茫茫樓中少婦吹羌管時有  
北人思故鄉

### 前山草堂題壁

楊載

巖磴盤盤草路微秋陰未解澹朝暉水春野確雨鳴澗木落  
山村葉擁扉機杼隔林尋路去雲霞度隴傍人飛往來十五  
年前熟老矣傷心萬事非

### 九月一日遊昭亭

丁復

山色江光帶近郊道旁楊柳舞寒條半生九日黃花酒多在  
西風白下橋千里客遊仍暮景異鄉人事又今朝老來未遣  
登臨懶盡醉東家綠玉瓢

## 寧國府志

### 卷二十四

藝文志

詩上

五十一

### 三天洞

黃葉孤村路滄江五字詩檣聲搖暮雨樹影落寒池客倦歲  
華晚鳥鳴林谷移人生且行樂白髮易相期

### 趙知縣良巖歲晚見訪

龍種當年舊帝家飛鳥歲晚尚天涯忽傳詩句心先識各問  
流年髮欲華村上春風喧爆竹燈簷夜雨飯胡麻東游故舊  
如相問爲說桃源學種花

### 上徐憲使

汪鏊

桃花深處是吾廬半世豪華等傳車焚斷舊蕉曾有鹿歌殘  
長缺信無魚愁吟獨感庚寅賦歸去重尋甲子書聖代喜無  
封禪事空山容得病相如

### 水西山中

汪銖

五峯聯氣脈一徑入烟霞晴井蒸陰雨草渠流落花山依東  
晉廟溪對古官衙門嶂延青海灘流擁白沙虎羊列蟠踞翁

仲半欹斜劍履屐幽室衣冠憶故家  
經鐘朝聽擊齋鼓畫閣  
過竊火猿燒笋陶泉僧煮茶  
暖蕉分貝葉朝樹曬袈裟石竇  
秋澆薤巖池夏漚麻山居元寂靜塵  
徑自紛華此意高人解移居未有涯

### 三天洞

陳良弼

混沌知誰鑿虛明夜不關  
雨晴松子落桐濕土花斑  
泉洗金沙靜雲封白石閒  
空山千古在龍去幾時還  
日落僧歸寺雲深鳥護巢  
暗泉通殿角清梵出林梢  
晚栗初開鏤寒梨未拆包  
前山秋色近猶隔兩三均

### 和錄事吳正傳登景德閣

潘泰之

上國久賢吳季子風流非復舊  
潘郎君詩秋色同瀟灑我與  
滄洲空渺茫宦海才名雖異調  
騷人胸次豈殊鄉三生杜牧  
今何處冷眼禪林木葉黃

### 遊寶勝寺

賀子方

遙看春色淡西路與客攜壺  
蹕翠臺石上姓名畱李白坐中  
談笑繼方回酒懷洒落清如露  
詩骨峻增瘦若梅珍重此行  
須盡興無端杜岸莫相催

## 寧國府志

### 卷二十四

藝文志

詩上

五十一

### 題太平汪公仲雲松樓

汪士明

黃山歷歷近青霄地勝應多物  
外交花樹願同韋氏會雲松  
喜結謫仙巢峯前宿雨收蒼狗  
澗底清風起翠蛟安得浮邱  
連袂在其聽仙樂奏笙匏

### 送劉有之遊涇川

貢東巖

七里岡頭謝豹啼荀與呬啞  
越朝雞玉壺駐聽青山近  
絲筆行吟綠樹低蒨屋斷煙迷  
石壁落花疎雨漲芙蓉溪錦袍  
仙子遊踪在珍重劉通過水西

### 題秋霜閣

倪水西

登山信步踏高秋白髮東歸復  
勝遊隔岸忽驚陵谷變  
宛欄空戀水雲幽一時少海潛  
靈迹千古叢林鏤畫樓  
絕壁莓苔遺翰在半巖  
風木捲蒼虬

題水西寺

熊不易

桓王廟裏神松古黃蘗寺前僧塔高行馬不旋陵變谷盤龍  
一去海生濤樓參木杪天盈尺船泊溪頭水牛篙隔岸人煙  
林色真一簾疎雨正蕭騷

贊監郡公

許希賢

金章紫綬照南州身在陵陽最上頭曉雨桑麻地暖西風  
穉穉楚鄉秋朱幡到處行雙鹿綠野何人佩一牛見說御屏  
題姓字崇班早晚侍前旒

送李知事

王儒珪

應幕宣城郡人稱燕趙賢青冥三釜養白髮兩親年臺閣須  
良佐衣冠擁別筵片帆梅雨裏秋滿下江船

和戴帥初陪廉憲副遊三天洞韻二首

王圭

勝跡三天洞清遊五字詩懸泉垂馬乳暗谷隱龍池坐久禽  
聲集吟殘樹影移賢侯與不淺應有後來期

寧國府志

卷二十四

藝文志

詩上

三

黃葉荒溪滿青蓮紺宇開闌干盤石樹方丈出氛埃洞古遊  
人識巖高倦翼回祇因山下曳常說緝衣來

陳公輔遷居

大隱何嘗厭市間新遷端為好樓居坐來屢嶂雲生麓住近  
雙溪客有魚二頃可供投轄飲五車爭羨載行書門前怕有  
西臺使未許與公賦遂初

和帥初稽亭山三三洞韻二首

元詩選中止錄一首

古洞堂隍敞危顛戶牖開陰靈藏雨雹清絕雜塵埃破靜幽  
禽響臨深騎鹿回百年山下路未省使車來

次廣教寺堅師韻

矮窗直曉取朝陽高檻虛接莽蒼兕水鉢中蓮是幻坐禪  
床畔竹偏長不須沽酒供彭澤耐可吟詩伴石霜想見六時  
天樂下散花吹滿衲衣裳

宛溪濟川橋成

二水元暉郡雙橋太白詩江山遺跡在惠政大賢知巖石砌  
端瀨飛梁跨渚涯仙宮鰲最屬星漢鵠參差不得乘槎客網  
思踏浪兒人從班席過功賴鬼神爲利澤通千里歡呼其一  
辭吟詩欲題杜記取落成時

### 山門

梅德明

山門藏絕境青壁上參天石漏牕中月巖通洞底泉幽期恐  
搖蕩眺望每雷連遠憶瞿祠老神交碧落邊

### 敬亭山

貢奎

名山鎮宣郡古寺崇敬亭傑構靚深巖飛廊引重局陟彼百  
仞高始覺萬類形樓殿勢益宏兵衛森幽壑增秩觀隆典綸  
音播明廷躋獲走祈報煙爨浮芳馨竹村蔽澗壑虛關俯南  
垌麻姑湖上碧華陽天際青神馳颯然起新涼濯微醒疎雨  
映白石垂虹截蒼冥永言李謝游豈惜歲月零悠  
悠孤雲去渺渺從雙嶼招之殊未來莊思展函經

### 麻姑天遊亭

斜陽衆峯出山行快追尋茲亭獨崔嵬迢然散塵襟瑤漢湛  
虛碧憑巖蕩幽陰澗接連沃野蒼茫倚喬林本無馭妙

## 寧國府志

### 卷二十四

藝文志

詩上

五

道悟匪深麻姑去何年薜蘿徑蕭森元蟬解新曉嘒嘒高樹  
吟物理感時遷世轍徒駸駸懷哉學仙術孤雲度遙岑

### 雙溪泛舟

扁舟一葉淨溪水溪風颯然吹浪起坐看兩岸疾如馳轉帆  
瞬息行十里溪上山光翠欲滴傍影入溪溪水碧山中曾有  
謫仙居今古詩聲破幽寂纖舟登岸快追遊詩料真搜山鬼  
泣山鬼泣山雲飛薄暮細雨寒霏論仙遊遊呼不得但見  
獨鶴空  
中歸

### 三天洞和韻

樹合連峯影苔棲滿壁詩山風潛入戶泉竇暗通池市遠僧  
歸晚園荒鳥下遲登臨有真趣幽事儘寬期

### 和戴剡原同史憲使遊三天洞二首

洞底天無隔多應禹鑿開海聲通屈曲石汗洗塵埃欲探巖  
崖去空合杖履迴無端僧佔住多少後人來  
古寺何年建開低屋亂巢老松擎雨蓋脩竹拂雲梢石壓泉  
聲伏山迴龍勢可追隨記今日照影俯池坳

饒王敬叔

十年湖海一樽同醉裏那知鬢欲翁投轄不緣今日雨論文  
未減昔人風春隨流水三分盡酒重交情百罰空莫道雙溪  
堪舉棹片雲來往敬亭東

舟次硤石避雨古廟

吳 錕

漠漠春雲起巖谷白雨飛空亂如鏃牧兒狂步過橋西遠墅  
微茫數家屋浪高雪陣風忽顛移舟小泊古廟前坐待天回  
日西照江流不盡山蒼然

翠微寺

陳 炳

麻衣休作獅子吼門外泉聲正拍空三十六峯渾不見翠微  
真在有無中

前題

汪 瑾

翠微寺前卓錫泉翠微峯與青天連蒼藤老樹意自古斷崖  
飛瀑聲相喧紫林一徑入深僻到頭百畝寬不窄白雲隔斷

寧國府志

卷二十四

藝文志 詩上

五

世俗塵圖畫天開洗山色麻衣遺跡知幾年壁間雷題知幾  
千請君細讀尙書篇後來佳句誰與傳松風滿耳出口去明  
朝却憶來時路

紫雲巖

阮之武

石磴蘿梯隱翠微坐間時有紫雲飛紛紛郁郁來還去難問  
瞿仙幾日歸

蓬窗

吳晦之

小室蕭然一釣篷主人閒散似漁翁有時風雨驚殘夢如在  
松江煙浪中

春日卽事

山居無事到襟懷日午柴門尙未開啼鳥一聲春晝取隔牆  
風送落花來

敬亭山

黃 潛

昔窺敬亭作今陟裴公寺微素非始遊賞勝資深蒲嶺脩綠  
水木宛宛交溪術綠縹澗草豐幽巖松懸岫微鐘響杳嶂高

閣浮花氣聿薰梅檀妙豈愛岑壑媚憑生實內惕卽事多冥  
契息陰蹤粉檜奉芳懷芝桂海嶽期屢遷石林路深闕經營  
乖道要迫窄餘物累稽  
首調御尊尙飲無生惠

九日登響山奉呈同遊者

吳師道

響山臨響潭曾識太白來我欲遊其間却愧非仙才况乃博  
微官終年走塵埃幸茲九日至獲與羣彦陪高秋慘雲物薄  
日翳復開駐馬青松陰披衿上崔嵬前眺孤城低下瞰清溪  
迴諸峯送遠色攬結何雄哉野菊半含英濁醪初發醅且盡  
一笑歡良會不易諧溪山宛如昨斯人化飛灰想見登臨時  
逸氣橫九垓寧知千載後我輩茲徘徊呼之儻可作相其揮  
予杯凄其暮色合颯颯疾雨催扶攜下登  
舟水行沿灣隈仰看千仞壁浩歌散餘哀

遊三天洞

稽亭山下三天洞憶我金華物色同拔地飛崖雲海映空  
嵌穴樹葱蘢不知混沌何年鑿直恐神仙有路通終擬赤松  
歸隱去清秋  
還墮夢魂中

寧國府志

卷二十四

藝文志 詩上

五

水西道中

鳴鳩林外桑密眠犢沙頭草添春水石橋紅杏夕陽茅屋青  
帘

送人之宣城

昭亭山下宛溪頭楊柳芙蓉岸岸秋總是舊時迎送處夢魂  
猶逐故人舟

湖山廟

王相

千仞湖山涇水濱從來忠烈作明神一時江左英雄上死後  
封王有幾人

曲肱亭

吳元用

少年曾綴集仙班袖手歸來水石間聞道半山還舊隱扁舟  
乘興過龍灣

都官祠

斯文周喪未還淳首黜浮華復雅音蠻布織成春雪句誰傳  
篇什過雞林

雲錦堂

高 斐

曉山蒸氣生晴雲風縷織成西川紋爛然五色照溪水游絲  
飛絮嘗續粉鶯梭拋擲光錯落欲捲朱樓建高閣睡起不知  
春淺深輕紅  
又上桃花萼

澗灘

胡士瞻

涇溪西來數百里兩岸高山東流水中有澗灘欠疏鑿往回  
艱險勞舟子白波粼粼石齒齒但聞嘈嘈聲聒耳謫仙作意  
下陵陽為看  
敬亭曾過此

送萬戶府幕盧唐卿

孫叔達

天街自合驟驂驅戎幕何為尚滯雷軍放豈嘗忘俎豆貂蟬  
元自出幾登三年明月膠東夢萬里西風宛水舟從此雲霄  
看高步可能  
回首謝公樓

潯川八景

存四

張景明

寧國府志

卷二十四

藝文志 詩上

五十六

山肩有夷行樵牧共來往高樹落繁陰風生海濤響未遂赤  
松遊長歌起遐想  
幽密兩山間梯徑通元圃倚蘅吐清芬隨風泛郊塢誰能緝  
為佩遠寄瀟湘浦  
殘陽冒山巔黃金眩人目楓林醉秋霜相看共幽獨一鳥天  
際歸欲問桃花宿  
夕陽徧芳洲餘暉在高樹烏石動西風歸人正爭渡浮生舟  
上飄隨風安得住

分巡涇縣

元久真

西嶺霧嘗陰涇溪流水深軒窗一夜雨湖海十年心渡口梅  
初落樓頭人獨吟風語聞古調三嘆有餘音

松風亭

張師愚

長松蔭禪宇柯葉何蕭森清風一披拂奏作絃絳紫虬龍舞  
空洞鸞鳳相與吟泉竊起幽聽太虛本沉沉儻然亭中人晏  
觀妙音心閒得  
悟明月生東林

侯亭遺蹟



芳辰喜清暇攜筇出西郭登高一以眺山川如綺錯昔聞趙  
宣城築亭候賢客嘉林蔭結構翠嶺照丹巖逢迎盡賢士冠  
蓋擁阡陌况有謫仙人奇女刻金石我來訪遺蹟但見耶與  
壑斷屢亂榛莽墮址暗松柏五馬不復來樵歌空踴躍人生  
一世間富貴不盈握所以崇令名沒世耻寂寞

### 登耕綠亭

張師曾

謝眺高齋外誰知復此奇一川藏罨畫衆岫列呆愚野綠耕  
詞起林紅種未遲河陽新政續風俗尙堪爲

### 湖上納涼

劉道夫

鮮豔吟碧樹淡月映清波暑到重湖少涼從薄幕多短衣仍  
楚製敝屣自商歌坐久香浮席露華初泣荷

### 湖上納涼懷吳子彥

貢師泰

天風吹海樹瑟瑟秋氣涼河漢西北流衆星耿耿光惜我同  
袍友遠在水一方相思不相見展轉清夜長遙聞鳴笳發攬  
衣月蒼蒼

## 寧國府志

### 卷二十四

藝文志

詩上

五七

### 題壘嶂參雲亭寄老士安監憲

層城極高爽傑構峙嶒嶸壘嶂散霞綺雙溪迥以明旌節一  
戾止登覽群彥并明月懸委佩華星燦長纓涼軒四面敞坐  
看香靄生神功倏舒卷變態周  
入絃終當博甘露從龍歸太清

### 涇縣石壁道中

萬山從西來中斷忽如劈攢峯阻重關兩岸立墜壁絕壑噴  
飛流觸石勢逾激神龍宅其下白晝飛霹靂涉險恐羸驂凌  
高快健翻須臾得仙館頗覺契幽寂入竹敞涼軒掃花吹  
鐵笛坐久竟忘疲塵襟忽如滌翻思崎嶇間使我心戚戚

### 遊麻姑山萬松庵

積雨變秋思清遊愜道心過橋分履迹問寺逐鐘音紅墮鳥  
爭果綠深魚占陰何當脫塵鞅重此契幽尋  
秋日訪招提雲深處處迷殿門松影直庭檻藥苗齊接竹通  
流水編籬護野畦道人偏愛客留得樹頭梨

### 麻姑觀

麻姑山下水涓涓十里青松引洞仙  
齒著夜開丹滿室環  
春長玉爲田空壇雨過苔痕滑  
密徑風回樹影偏  
可是心清自無暑  
更移竹榻向林泉

### 送淵上人住涇縣延壽寺

半生辛苦住城西  
脩竹滿園蔬畦正  
愛閒雲依疊嶂  
忽隨流水渡三溪  
藤花院靜禪初定  
槲葉村深路欲迷  
此去莫憐知已少  
青山到處可留題

### 秋日同遊敬亭得并字

汪澤民

湘中三年夢鄉井  
敬亭重遊心自醒  
雙流夾鏡一溪來  
千仞齊雲兩峯并  
叢祠秋報同奠桂  
蘭若晚酣催煮茗  
晴嵐煖翠約花時  
往覓丹梯登絕頂

### 遊黃山汪南山先生惠詩以病爲辭次韻答謝

軒轅輕舉同浮邱  
黃山到今仙境留  
攢峯排雲三十六  
勢壓地軸雄南州  
元卿倒景接虛曠  
太空清氣憑蕭颯  
恍疑萬里

運鵬翼攻似五月  
思貂裘嘗聞丹爐  
靈藥在寶光夜靜  
干斗牛我行雖云  
愜素尚黃鶴不返  
令人愁憶年弱冠  
披圖經白髮荏苒  
四十秋遐觀奇絕  
勿輕去山靈特爲  
驅煙霧吾宗詩翁  
期不來天風吹落  
鷲人語何時同此  
采真遊塵緣誓將  
脫羈囚人間萬事  
一杯酒風肝蟲臂  
徒包羞

### 翠微寺

汪澤民

欲雨不雨天墨色  
將崩未崩石偃側  
溪谷綠雲已蕩盪  
風雨欺人作三厄  
客遊已慳天不慳  
雷電翕歛噓晴曦  
諸峯倒景互明滅  
照耀金碧開山門  
清都紫微逼象緯  
旃旃林貝樹羅山  
樊十方下視沙界  
迥佛骨不受炎歎  
神麻衣老師寂滅  
久問法差與山僧  
論但餘卓錫古泉  
水念念欲洗塵眼  
昏嗟子世網久躡  
躡坐覽古跡空盤  
桓莫歸却賦山下  
路杳杳飛鳥投  
付芳

### 紫山寺晚望山門

拂絕瞿硎地中藏  
六洞天山門雲引  
路石室月通泉鳥  
徑尋苔藓僧房紫  
翠連曾聞地主說  
張望夕陽邊

四月九日新霽景氣清淑借宗英公仲自天都峯側遊湯泉

道中偶成

天都巔出諸峯上曙色嵐開逸興催半壁晴泉吹冷雨懸崖  
飛瀑吼晴雷白雲縹渺仙鄉遠碧落高寒俗駕迴自笑生平  
愛清境冥搜不厭歷崔嵬

九日陪高梅居登高復畱賞菊懷仲淵三天載酒之約去年

壘嶂登高之會

汪澤民

度水緣山取次來夕陽歸影尚徘徊白衣悵望三天路烏帽  
風流九日杯菊老東籬容作客山圍北郭記登臺明年載酒  
知何處莫道西風暗裡催

祥符寺追和文敬所壁間韻

蒼山寒日近禺中揭淺緣深足藹重僊子未歸遼海鶴軒皇  
曾馭鼎湖龍詩題古壁無人繞夢斷鈞天何處逢欲問故侯

寧國府志

卷二十四

藝文志 詩上

五九

應不識空遺  
蕭寺鎖雲峯

石鏡

石鏡照姦惡火焚光不磨丈夫心地險莫向此中過

題崇古寺

十八巖前羅漢竹百千洞裏老龍泉山僧約我重來日花落  
花開五百年

宣城客中偶書

眼看春宵擁勝遊漂零回首總沙鷗黃塵烏帽知誰為白飯  
青筍復此畱未必嵇康能作吏何妨李廣不封侯敬亭雲鳥  
知無恙款段  
惟須逐俊遊

丹霞篇寄冲妙觀方友

何儒行

麻姑諸峯插脩翠麻姑仙人鳴玉佩中有道人餌丹霞採朮  
餐芝鍊元氣此地昔年我曾遊蒼岷碧樹煙雲秋煙雲秋仙

鹽石老苔花幽寺觀怪石獅子踞石壁落日元猿悲元猿愁  
白鶴舞相攜東風凌紫霧琳宮丹閣摩太清下視人寰隔風  
雨丹秘金爐深劍藏石匣古揮手接高真飄飄已遇舉道人  
笑掬山下泉竹房茶甕搖輕煙天游高亭據幽勝玉堂寶翰  
何清妍却登齊雲閣持觴勸明月明月滿山風滿林醉來清  
夢欲飛越我無負郭田我無買山錢一邱一壑肯乞與便須  
寫我丹  
霞篇

### 永慶寺

澄江西畔叩禪扃暖日聯鑣趁踏青茂樹清泉丞相宅開雲  
飛鳥謫仙亭山中不雨花常潤林下無人蘭自馨醉後摩挲  
庭外碣風霜  
杉檜幾朝經

### 上元日侍宴疊嶂樓

卞思義

上使開華宴高樓倚碧霄山如屏嶂列風逐管絃飄事簡春  
偏永歌長酒易消月明人散後驄馬不勝驕

### 侍宴疊嶂樓

## 寧國府志

### 卷二十四

藝文志 詩上

卒

使君閒暇宴高臺珮玉珊珊得重陪無數好山成疊嶂一灣  
流水似天台煙中佛寺藏樓閣火後人家半草萊不用登臨  
增感慨春風  
梁燕又歸來

### 九日遊翠雲菴

劉鑄

小山叢桂久徘徊長嘯穿雲去復來晴日半窗開野色翠濤  
千頃愜詩懷興狂肯落風前帽歸晚頻移月下盃却憶襄陽  
杜工部當年  
多事強登臺

### 送憲司張仲端經歷

劉得之

蒼水連雲合清溪遶郡流山川入歸思煙雨送行舟多暮多  
奇畫還鄉只敝裘平生張給事名作漢庭優

### 武陵送芮太守還宣城

貢性之

老去親知見面稀見時無計得同歸遊絲落絮都成恨社燕  
秋鴻各自飛杜宇叫殘孤館夢西風吹老故園蕪明年春雨  
南洲漲擬把  
長竿坐釣磯